

書



孔少府集序



子栢作典論偶屈指竝

世詞壇首及孔文舉蓋

文舉差長曾公二歲矣

後人沿之稱為建安七

子揚德祖不在數中者

安政七

孔少府集序



殆嫌其與子建媿也爾  
時世間有一合用物曾  
公咸收之傾海剖蚌編  
為珠囊故仲宣以下莫  
不委體為魏氏賓從獨  
文舉矯二霞段外猶作曩  
時意相狎辭之仙垓高  
開他人每望塵膜拜而  
文舉獨踐蹋鑪薰溺其  
法遙而奪之氣又若自  
處以五世長者知被服  
而裁抑相門為負販袴



也原其初心但有作卵  
金之碩果而恥預當塗  
之釘坐梨即砍頭陷胸  
當之無悔耳彼且四顧  
宇宙惟一禍正平堪共  
侮操故進之彤庭不然

夫豈不知正平為玉卮  
之無當哉吾謂論文者  
至以文舉正平另為達  
安二子而王粲以下別  
為魏氏之多才庶金割  
水柔各歸其用寧嚙夫



融不死操必不敢遽王  
故剪之不得不亟而借  
却慮為釁端倚路粹為  
屠肆丕性多伎然尚貧  
攀附于名流彼氣體高  
妙心自不得磨滅之其

云不善持論則追數其  
唐突乃公也融骨已朽  
而藻思談鋒雄情義概  
尚奕奕動人真魯國一  
男子矣

昭陽大淵獻首夏晦日



孔少府集 卷之  
紹和張燮識于園垂

思乎矣



尚奕

西蔡思翁  
孫樹前  
奏琳

唐家  
心  
也  
編  
卷  
已  
所

亦不  
善  
其  
語  
調  
宜  
錄  
其

孔少府集目錄

卷之一

詩

告高密縣  
立波公  
懷然

離合作郡姓名字詩

雜詩二首

臨終詩一首

六言詩二首

失題  
劫亂

表疏  
辭謝表



孫少府集 目錄  
薦禰衡表

崇國防疏

上書言結三首

薦謝該上書

上漢帝書

教諭合於微教

告高密縣立鄭公鄉教

卷之二 脩鄭公宅教

告昌安縣教

下高密恤鄧子然教

答王修教二首

書又

與曹操論盛孝章書

與曹操論酒禁書

又書論立易

啁曹操討烏桓書

卷之二 曹魏典

書



書報曹操書

卷之二 曹操與少府孔融書附

答虞翻書

又虞翻立易註奏附

又奏附

與韋甫休書

書又

與王朗書

與張紘書

又

諭邴原書

與邴原書

與諸卿書

與宗從弟書

與許博士書

論日鞞不宜取懸

論汝穎優劣論

聖人優劣論



周武王漢高祖論

議

論馬日磧不宜加禮議

肉刑議

碑

衛尉張儉碑

附錄

孔融傳

孔北海贊

宋范曄

宋蘇軾

過孔北海詩

唐溫庭筠

遺事

集評

詩



衛尉張倫傳

集稿

費事

豈下非豈也

豈豈豈豈

孔少府集卷之一

漢魯國孔融文舉著

明閩漳張燮紹和纂

詩

離合作郡姓名字詩

漁父屈節水潛匿方

離魚字

與肯進止出行施張

離日字魚日合成魯

呂公磯釣闔口渭傍

離日字

九域有聖

無土不王

離或字口或合成國

好是正宜女回于匡

離子字

海外有載隼逝鷹揚

當離乙字恐古文與今文不同合成孔也

六翮



將奮羽儀未彰離隔字蛇龍之螫俾也可忘離虫字合

成融玫瑰隱曜美玉韜光去玉成文不須合無名無譽放

言深藏離與字按轡安行誰謂路長離才字合成舉

雜詩二首

巖巖鍾山首赫赫炎天路高明曜雲門遠景灼

寒素昂昂累世士結根在所固呂望老匹夫苟

為因世故管仲小囚臣獨能建功祚人生有何

常但患年歲暮幸托不肖軀且當猛虎步安能

苦一身與世同舉厝由不慎小節庸夫笑我度

呂望尚不希夷齊何足慕

遠送新行客歲暮乃來歸入門望愛子妻妾向

人悲聞子不可見日已潛光輝孤墳在西北常

念君來遲褰裳上墟丘但見蒿與薇白骨歸黃

泉肌體乘塵飛生時不識父死後知我誰孤魂

遊窮暮飄飄安所依人生圖享息爾死我念追

俛仰內傷心不覺淚沾衣人生自有命但恨生

日希

臨終詩



言多令事敗器漏苦不密河潰蟻孔端山壞由  
猿穴涓涓江漢流天窻通冥室讒邪害公正浮  
雲翳白日靡辭無忠誠華繁竟不實人有兩三  
心安能合爲一三人成市虎浸漬解膠漆生存  
多所慮長寢萬事畢

六言詩三首

漢家中葉道微董卓作亂乘衰僭上虐下專威  
萬官惶怖莫違百姓慘慘心悲

郭李分爭爲非遷都長安思歸瞻望關東可哀

夢想曹公歸來

從洛到許巍巍曹公憂

一作輔

國無私減去厨膳

其肥羣僚幸從祈祈雖得俸祿常饑念我苦寒

心悲

宗繼統將弘祖業時咨庶載群士習豫陸

失題

歸家酒債多門客粲幾

一作成

行高談滿四座一

日傾千觴



心悲八言詩二首

昔凱羣勳率茲而而雖幹新常繼念茲苦寒  
炎帝降指發發曹公憂轉國無外流去國潮  
憂悲曹公歸來

表疏

薦禰衡表

臣聞洪水橫流帝思俾乂旁求四方以招賢俊  
昔世宗繼統將弘祖業疇咨熙載群士響臻陛  
下獻聖纂承基緒遭遇厄運勞謙日仄惟嶽降  
神異人並出竊見處士平原禰衡年二十四字  
正平淑質貞亮英才卓犖初涉藝文升堂覩奧  
目所一見輒誦於口耳所暫聞不忘於心性與  
道合思若有神弘羊潛計安世默識以衡準之



誠不足怪忠果正直志懷霜雪見善若驚疾惡  
若讎任座抗行史魚厲節殆無以過也鷲鳥累  
百不如一鶚使衡立朝必有可觀飛辯騁辭溢  
氣空涌解疑釋結臨敵有餘昔賈誼求試屬國  
詭繫單于終軍欲以長纓牽致勁越弱冠慷慨  
前世美之近日路粹嚴象亦用異才擢拜臺郎  
衡宜與比如得龍躍天衢振翼雲漢揚聲紫微  
垂光虹蜺足以昭近署之多士增四門之穆穆  
鈞天廣樂必有竒麗之觀帝室皇居必畜非常  
之寶若衡等輩不可多得激楚陽阿至妙之容  
掌伎者之所貪飛兔驥褭絕足奔放良樂之所  
急也臣等區區敢不以聞陛下篤慎取士必須  
効試乞令衡以褐衣召見必無可觀采臣等受  
面欺之罪



崇國防疏

竊聞領荊州牧劉表桀逆放恣所爲不軌至乃  
郊祭天地擬儀社稷雖昏僭惡極罪不容誅至  
於國體宜且諱之何者萬乘至重天王至尊身  
爲聖躬國爲神器陛級縣遠祿位限絕猶天之  
不階日月之不可踰也每有一豎臣輒去圖之  
若形之四方非所以杜塞邪萌愚謂雖有重戾  
必宜隱忍賈誼所謂擲鼠忌器蓋謂此也是以  
齊兵次楚唯責包茅王師敗績不書晉人前以



露袁術之罪今復下劉表之事是使跛牂欲闚  
高岸天險可得而登也案表跋扈擅誅列侯逼  
絕詔命斷盜貢篚招呼元惡以自營衛專爲羣  
逆主萃淵藪節鼎在廟章孰甚焉桑落瓦解其  
孰可見臣愚以爲宜隱郊祀之事以崇國防之

上書

薦謝該上書

臣聞高祖創業韓彭諸將征討暴亂陸賈叔孫  
通進說詩書光武中興吳耿佐命范升衛宏修  
述舊業故能文武並用成長久之計陛下聖德  
欽明同符二祖勞謙危運三年乃謹今尚父鷹  
揚方叔翰飛王師電驚群凶破殄始有橐弓卧  
鼓之次宜得名儒典綜禮紀竊見故公車司馬  
令謝該體曾史之淑性兼商偃之文學博通群



藝周覽古今物來有應事至不惑清白異行敦  
悅道訓求之遠近少有疇匹若乃巨骨出吳隼  
集陳庭黃能入寢亥有二首非夫洽聞者莫識  
其端也雋不疑定北闕之前夏侯勝辯常陰之  
驗然後朝士益重儒術今該實卓然比跡前列  
間以父母老疾棄官欲歸道路險塞無由自致  
猥使良才抱璞而逃踰越山河沈淪荆楚所謂  
往而不反者也後日當更饋樂以鈞由余尅像  
以求傳說豈不煩哉臣愚以爲可推錄所在召  
原尊儒貴學惜失賢也

類也



間以父母老疾棄官欲歸道路險塞無由自致  
 猥使良才抱璞而逃論越山河沈淪荆楚所謂  
 泉源謝貴學哉夫賀也  
 結今戮焚人止蘇卿之去國戴暉豈且澹外平

上漢帝書

先帝褒厚老臣懼其殞越是故扶接助其氣力  
 三公刺腋近為憂之罪驚戒也云備大臣非其  
 類也



陳忠

三公陳朝後漢受之

高

武帝褒

卓

士對帝書

教

告高密縣立鄭公鄉教

昔齊置士鄉越有君子軍皆異贊之意也鄭君  
 好學實懷明德昔太史公廷尉吳公謁者僕射  
 鄧公皆漢之名臣又南山四皓有園公夏黃公  
 潛光隱耀世加其高皆悉稱公然則公者仁德  
 之正號不必三事大夫也今鄭君鄉宜曰鄭公  
 鄉昔東海于公僅有一節猶或戒鄉人侈其門  
 閭矧乃鄭公之德而無駟牡之路可廣開門衢



令容高車號為通德門 嚙其文祖可與開門灑

灑昔東甄丁公對一前游近所深公於其門

之玉照不必三身大夫也今瞻其際宜日澳公

其以對其賦其高昔悉融公然明公未可歸

所公計其六公身之南山以謂言國公要黃公

昔齊置士於外不取 吳公備其對

昔齊置士於外不取 吳公備其對

昔齊置士於外不取 吳公備其對

脩鄭公宅教

玄在徐州文舉欲其還郡敦請懇惻使人繼蹟又教曰

鄭公久遊南夏今艱難稍平儻有歸來之思無

寓人於我室毀傷其藩垣林木必繕治墻宇以

俟還



刻數

寓人外殊室媿其蓄田林木必蓄高節宇以

漢公入教南夏今賦漢辭平堂沐穰來文思無

漢公入教南夏今賦漢辭平堂沐穰來文思無

漢公入教南夏今賦漢辭平堂沐穰來文思無

### 告昌安縣教

邑人高幼自言辟得井中鼎夫鼎久潜于井德  
之休明雖小重也黃耳金鉉利貞之象國遭凶  
荒彝器出或者明以饗人

漢公入教南夏今賦漢辭平堂沐穰來文思無

漢公入教南夏今賦漢辭平堂沐穰來文思無

漢公入教南夏今賦漢辭平堂沐穰來文思無



下高密恤鄧子然教

志士鄧子然告困焉得愛釜庾之間以傷烈士之心與豆三斛後乏復言

答王修教

修為孔融主簿舉孝廉修讓却原融不聽

原之賢也吾已知之矣昔高陽氏有才子八人堯不能用舜實舉之原可謂不患無位之士以遺後賢不亦可乎

*（Faint bleed-through text from the reverse side of the page, including characters like '原之賢也' and '堯不能用'）*

編答  
重摘

又答



又答

修重辭  
融答

掾清身潔已歷試諸難謀而鮮過惠訓不倦余嘉乃勲應乃懿德用升爾于王庭其可辭乎

書

與曹操論盛孝章書

憲字孝章會稽人初為臺郎路逢融時十餘歲載歸與言知其奇尋舉孝廉補尚書郎稍遷吳郡太守以疾去官歸鄉里孫策平吳忌憲名囚之融與操書由是徵為騎都尉徵命未至為孫權所害

歲月不居時節如流五十之年忽焉已至公為始蒲融又過二海內知識零落殆盡惟會稽盛孝章尚存其人困於孫氏妻孥湮沒單子獨立孤危愁苦若使憂能傷人此子不得復永年矣



春秋傳曰諸侯有相滅亡者桓公不能救則桓公耻之今孝章實丈夫之雄也天下談士依以揚聲而身不免於幽執命不期於旦夕是吾祖不當復論損益之友而朱穆所以絕交也公誠能馳一介之使加咫尺之書則孝章可致友道可弘矣今之少年喜謗前輩或能譏平孝章孝章要爲有天下大名九牧之人所共稱歎燕君市駿馬之骨非欲以騁道里乃當以招絕足也惟公匡復漢室宗社將絕又能正之正之之術實須得賢珠玉無蹉而自至者以人好之也况賢者之有足乎昭王築臺以尊郭隗隗雖小才而逢大遇竟能發明主之至心故樂毅自魏往劇親自趙往鄒衍自齊往嚮使郭隗倒懸而王不解臨溺而王不拯則士亦將高翔遠引莫有北首燕路者矣凡所稱引自公所知而復有云者欲公崇篤斯義也因表不悉



陳幸自鼓於滌祿自齊於歸於滌則歸而王  
而蚤夫豈意詣然則主之至心姑樂於歸於  
賢者之自出乎王樂臺以尊涼則則雖小本  
實則賢者王無翼而自至皆以人設之也民

與曹操論酒禁書

公初當來邦人咸抃舞踊躍以望我后亦既至  
止酒禁施行夫酒之爲德久矣古先哲王類帝  
禋宗和神定人以齊萬國非酒莫以也故天垂  
酒星之耀地列酒泉之郡人著旨酒之德堯不  
千鍾無以建太平孔非百觚無以堪上聖樊噲  
解卮鴻門非豕肩鍾酒無以奮其怒趙之廝養  
東迎其主非引卮酒無以激其氣高祖非醉斬  
白蛇無以暢其靈景帝非醉幸唐姬無以開中



興袁盎非醇醪之力無以脫其命定國不酣飲  
一斛無以決其法故酈生以高陽酒徒著功於  
漢屈原不舖醴醑醕取困於楚由是觀之酒何  
負於政哉

又書

昨承訓答陳二代之禍及衆人之敗以酒亡者  
實如來誨雖然徐偃王行仁義而亡今令不絕  
仁義燕噲以讓失社稷今令不禁謙退魯因儒  
而損今令不棄文學夏商亦以婦人失天下今  
令不斷婚姻而將酒獨急者疑但惜穀耳非以  
亡王爲戒也



寸玉然如也

今不測微賦而世西... 而能今今不棄文學長商亦以激人夫天可今  
寸美燕會以難夫... 實收來... 非承... 又書

又書

啁曹操討烏桓書

大將軍遠征蕭條海外昔蕭慎氏不貢楛矢丁  
零盜蘇武牛羊可并案也



大將軍... 漢魯國孔融文舉著... 明閩漳張爨紹和纂... 報曹操書... 融以融不... 融與入無... 融與入無...

孔少府集卷之二

漢魯國孔融文舉著

明閩漳張爨紹和纂

報曹操書

猥惠書教告所不逮融與鴻豫州里比鄰知之最早雖嘗陳其功美欲以厚於見私信於為國不求其覆過掩惡有罪望不坐也前者黜退歡欣受之昔趙宣子朝登韓厥夕被其戮喜而求



賀况無彼人之功而敢枉當官之平哉忠非三  
閭智非鼂錯竊位爲過免罪爲幸乃使餘論遠  
聞所以慙懼也朱彭寇賈爲世壯士愛惡相攻  
能爲國憂至於輕弱薄劣猶昆蟲之相嚼適足  
還害其身誠無所至也晉侯嘉其臣所爭者大  
而師曠以爲不如心競性旣遲緩與人無傷雖  
出勝下之負榆次之辱不知貶毀之於已猶蚊  
蚩之過也子產謂人心不相似或矜執者欲以  
取勝爲榮不念宋人待四海之客大壚不欲令  
酒酸也至於屈穀巨瓠堅而無竅當以無用罪  
之耳他者奉尊嚴教不敢失墜郤爲故吏融所  
推進趙衰之拔卻穀不輕公叔之升臣也知同  
其愛訓誨發中雖懿伯之忌猶不得念况特舊  
交而欲自外於賢吏哉輒布腹心修好如初苦  
言至意終身誦之

曹操與少府孔融書附刻其大分宗書

蓋聞唐虞之朝有克讓之臣故麟鳳來而頌  
聲作也後世德薄猶有殺身爲君破家爲國



及至其做睚眦之怨必讐一餐之惠必報故  
鼂錯念國遘禍於袁盎屈平悼楚受譖於椒  
蘭彭寵傾亂起自朱浮鄧禹威損失於宗馮  
由此言之喜怒怨愛禍福所因可不慎與昔  
廉藺小國之臣猶能相下寇賈倉卒武夫屈  
節崇好光武不問伯升之怨齊侯不疑射鈎  
之虜夫立大操者豈累細故哉往聞二君有  
執法之平以爲小介當收舊好而怨毒漸積  
志相危害聞之撫然中夜而起昔國家東遷  
文舉盛歎鴻豫名實相副綜達經學出於鄭  
示玄文明司馬法鴻豫亦稱文舉竒逸博聞誠  
衆怪今者與始相違孤與文舉旣非舊好又於  
知鴻豫亦無恩紀然願人之相美不樂人之相  
物傷是以區區思協歡好又知二君羣小所構  
通孤爲人進不能風化海內退不能建德和人  
矧然撫養戰士殺身爲國破浮華交會之徒計  
盡有餘矣陳



及至其傲睨眦之怨必讐一餐之惠必報故  
有籍矣國遭禍於袁盜屈平悼楚之謫於椒  
然無養彈士姦良為國難彩華交會之卦指  
所為入豈不銷風外或內豈不銷其滋味入  
對是以國國思歸憐我及賦三吾羣小西對  
斯新亦無恩孫然類人之味美不樂人之味  
卦今昔與故味豈不與文舉預非書我及故  
支文則同豈哉斯亦蘇文舉音義對固端  
文舉益漢斯者合實味偏絲豈豈學出飲漢

答虞翻書

示所著易傳自商瞿以來舛錯多矣去聖彌遠  
衆說騁辭曩聞延陵之理樂今覩吾君之治易  
知東南之美者非但會稽之竹箭焉又觀象雲  
物察應寒溫推本禍福與神合契可謂探願旁  
通者已方世清聖上求賢者梁丘以卦筮寧世  
劉向以洪範昭名想當來翔追蹤前列相見乃  
盡不復多陳

虞翻立易注奏附



臣聞六經之始莫大陰陽是以伏羲仰天縣象而建八卦觀變動六爻爲六十四以通神明以類萬物臣高祖父故零陵太守光少治孟氏易曾祖父故平輿令成績述其業至臣祖父鳳爲之最密臣先考故日南太守歆受本於鳳最有舊書世傳其業至臣五世前人通講多玩章句雖有祕說於經疏濶臣生遇世亂長於軍旅習經於枹鼓之間講論於戎馬之上蒙先師之說依經立注又臣郡吏陳桃夢臣與道士相遇放髮被鹿裘布易六爻撓其三以飲臣臣乞盡吞之道士言易道在天三爻足矣豈臣受命應當知經所覽諸家解不離流俗義有不當實輒悉改定以就其正孔子曰乾元用九而天下治聖人南面蓋取諸離斯誠天子所宜協陰陽致麟鳳之道矣謹正書副上惟不罪戾

又奏附

經之大者莫過於易自漢初以來海內英才



其讀易者解之率少至孝靈之際潁川荀諝  
號爲知易臣得其注有愈俗儒至所說西南  
得朋東北喪朋顛倒反逆了不可知孔子歎  
易曰知變化之道者其知神之所爲乎以美  
大衍四象之作而上爲章首尤可恠笑又南  
郡太守馬融名有俊才其所解釋復不及諸  
孔子曰可與共學未可與適道豈不其然若  
乃北海鄭玄南陽宋忠雖各立注忠小差玄  
而皆未得其門難以示世

與韋甫休書

使君足下懷遠垂勲西戎卽叙前別意恨甚多  
不悉辛從事至承獲所訊喜而起居不恙而到  
也云便結駟徑至舊治西土之人宗服令德解  
仇崇好以順風化萬里雍穆如樂之和雖爲國  
家威靈感應亦實士穀堪事之效也昔伯安由  
幽都而登上司子琰以豫州而取宰相近事未  
遠當勉功業以豐此慶耳間僻疾動不得復與  
足下岸幘廣坐舉杯相於以爲邑邑



前日元將來淵才亮茂雅度弘毅偉世之器也  
昨日仲將又來懿性貞實文敏篤誠保家之主  
也不意雙珠近出老蚌甚珍賢之也昔山突由

### 與王朗書

朗漢末爲會稽太守孫策渡江畧地與  
策戰敗績乃詣策令使詰讓朗對謝服  
曹操爲司空表徵之未至融與之書朗  
自曲阿展轉江海積年乃至拜諫議大  
夫參司空軍事

世路隔塞情間斷絕感懷增思前見章表知尋  
湯武罪已之迹自投東裔同鯨之罰覽省未周  
滄隕潛然主上寬仁貴德宥過曹公輔政思賢  
竝立策書屢下殷勤款至知權舟浮海息駕廣  
陵不意黃能突出羽淵也談笑有期勉行自愛



劉不意黃龍突出林間也猶突有賊賊亦自愛  
益立策善思不無備焉至映縣舟中思歸  
高則督然主上賞不貴謝家戲曹公詩如思資  
國友罪身之愆自對東喬同繼之儒費脊未周  
有部部塞

與王版書

與張紘書

紘為孫策奉章至許宮留為侍御史融  
等皆與親善後曹操聞策薨令紘輔權  
內附出紘為會稽東部都尉及權討江  
夏以東部少事命紘居守遙領所職融  
遺紘書

聞大軍西征足下留鎮不有居者誰守社稷深  
固折衝亦大勲也無乃李廣之氣循髮益怒樂  
一當單于以盡餘憤乎南北竝定世將無事孫  
叔投戈絳灌俎豆亦在今日但用離析無緣會  
面為愁歎耳道直途清相見豈復難哉



面爲又燮耳茲直發青林良豈或鑽若  
紘既好文學又善楷篆與融書自書融遺紘書美之

前勞手筆多篆書每舉篇見字欣然獨笑如復  
覩其人也

### 喻邴原書

原初署北海功曹融爲太守以原爲計佐是時漢朝陵遲政以賄成原乃將家人入鬱洲山中郡舉有道融以書喻原原遂到遼東

修性保真清虛守高危邦不入久潛樂土王室  
多難西遷鎬京聖朝勞謙疇咨雋乂我徂求定  
策命懇惻國之將隕發不恤緯家之將亡緹縈  
跋涉彼匹婦也猶執此義實望根矩仁爲己任  
授手援溺振民於難乃或晏晏居息莫我肯顧  
謂之君子固如此乎根矩根矩可以來矣



歸之君子固收此乎然然取可以來矣

列手對爾雖只似難八短曼曼吾以莫非肯願

列者對可敬也餘時此美實望然取才為已非

來命懸國因之辨則發不血翰寒之辨才雖繁

多職西數融京聖時從難謝谷高又外卧求安

新到於其欲直守高負往不入入替樂土王室

與邴原書

與邴原書

原自遼東欲歸鄉里止於三山融移書與之原於是復返積十餘年後乃遁還

隨會在秦賈季在翟諮仰靡所歎息增懷頃知

來至近在三山詩不云乎來歸自鎬我行永久

今遣五官掾奉問榜人舟楫之勞禍福動靜告

慰亂階未已阻兵之雄若棊奕爭梟心驚卒豨

大轉要并正豨四暗善吹非拉文也為矣夫葦

灑氣如冬翺驚人具其各學詰育而出也蓋深

與詣嘯書



與諸卿書

鄭康成多臆說人見其名學謂有所出也證案  
 大較要在五經四部書如非此文近為妄矣若  
 子所執以為郊天鼓必當麒麟之皮也寫孝經  
 本當曾子家策乎對人舟楫之也願願運精者  
 來至良卦三山謂不六平來臨自臨非亦承人  
 國會亦泰賈李亦益濟所積而獲身能對則賦  
 與宗從弟書

知晚節豫學既美大弟困而能寤又合先君加  
 我之義豈惟仁弟實專承之凡我宗族猶或賴  
 焉

與炳烈書

與宗從弟書

志交夫文大燠

今以可表以藝器金可並志為國奉必對文游

樂器編典書  
精妙士為數

與特輯士書



與許博士書

許博士為漢樂器融與書

今足下遠以彝器金石並志為國家來儀之瑞亦丈夫之大勲

亦之兼管辨小後實事承之小功示效節海賦  
賦即前新學到美入余因而謂謂文合式吾賦  
與宗外象書

論

汝穎優劣論

融以汝南士勝穎川士陳長文難融答之曰汝南戴子高親止千乘萬騎與光武皇帝共於道中穎川士雖抗節未有頡頏天子者也汝南許子伯與其友人共說世俗將壞因夜舉聲號哭穎川雖憂時未有能哭世者也汝南府許掾教太守鄧晨圖開稻陂數萬頃累世獲其功夜有火光之瑞韓元長雖好地理未有成功見効如



許掾者也汝南張元伯身死之後見夢范巨卿  
潁川士雖有奇異未有能神而靈者也汝南應  
世叔讀書五行俱下潁川士雖多聰明未有能  
離婁並照者也汝南李洪爲太尉掾弟殺人當  
死洪自劾詣閣乞代弟命便飲醢而死弟用得  
全潁川士雖尚節義未有能殺身成仁如洪者  
也汝南翟子威爲東郡太守始舉義兵以討王  
莽潁川士雖疾惡未有能破家爲國者也汝南  
哀公著爲甲科郎上書欲治梁冀潁川士雖慕  
忠謹未有能投命直言者也

荀愔等以爲聖人俱受乾坤之醇靈稟造化之  
和氣該百行之高善備九德之淑懿極鴻源之  
深闊窮品物之情類曠蕩出於無外沕微淪於  
無內器不是周不克聖極苟以孔子稱大哉堯  
之爲君也唯天爲大唯堯則之是爲覆益衆聖  
最優之明文也孔以堯作天子九十餘年政化  
洽於民心雅頌流於衆聽是以聲德發聞遂爲  
稱首則易所謂聖人久於其道而天下化成百



許掾者也汝南張元伯身死之後見夢范巨卿  
潁川士雖有奇異未有能神而靈者也汝南應  
世叔讀書五行俱下潁川士雖多聰明未有能  
離婁並照者也汝南李洪爲太尉掾弟殺人不當  
死洪自劾請閣乞代弟命便飲醪而死弟用得  
全潁川士雖尚節義未有能殺身成仁如洪者  
也汝南翟子威爲東郡太守始舉義兵以討王  
莽潁川士雖疾惡未有能破家爲國者也汝南  
哀蕭未有捐姓命直言敢出梁冀潁川士雖慕

### 聖人優劣論

荀情等以爲聖人俱受乾坤之醇靈稟造化之  
和氣該百行之高善備九德之淑懿極鴻源之  
深閭窮品物之情類曠蕩出於無外沈微淪於  
無內器不是周不克聖極荀以孔子稱大哉堯  
之爲君也唯天爲大唯堯則之是爲覆益衆聖  
最優之明文也孔以堯作天子九十餘年政化  
洽於民心雅頌流於衆聽是以聲德發聞遂爲  
稱首則易所謂聖人久於其道而天下化成百



年然後勝殘去殺必世而後仁者也故曰大哉堯之爲君也堯之爲聖也明其聖與諸聖同但以人見稱爲君爾以天見稱爲天子以天見稱爲天子蓋衆聖之公也又曰聖人者天之所與也蓋衆聖之公也馬之駿者名曰騏驎犬之駿者名曰韓盧犬之有韓盧馬之有騏驎人之聖也名號等設騏驎與韓盧並是寧能頭尾相當八脚如一無有先後之覺矣

周武王漢高祖論

周武王從后稷以來至其身相承積五十世俱有魚鳥之瑞至高祖一身修德瑞遽有四呂公望形而薦女呂后見雲知其處白蛇分神母哭西入關五星聚又武王伐紂斬而刺之高祖入秦赦子嬰而遣之是寬裕又不如高祖也



議

馬日磾不宜加禮議

日磾以上公之尊秉髦節之使銜命直指寧輯東夏而曲媚姦臣爲所牽率章表署用輒使首名附下罔上姦以事君昔國佐當晉軍而不撓宜僚臨白刃而正色王室大臣豈得以見脅爲辭又袁術僭逆非一朝一夕日磾隨從周旋歷歲漢律與罪人交關三日已上皆應知情春秋魯叔孫得臣卒以不發揚襄仲之罪貶不書日



鄭人討幽公之亂斲子家之棺聖上哀矜舊臣  
未忍追案不宜加禮

肉刑議

古者敦龐善否區別吏端刑清治無過失百姓  
有罪皆自取之末世凌遲風俗壞亂政撓其俗  
法害其民故曰上失其道民散久矣而欲繩之  
以古刑投之以殘棄非所謂與時消息者也紂  
斲朝涉之脛天下謂爲無道夫九牧之地千八  
百君若各刑一人是天下常有千八百刑也求  
世休和弗可得已且被刑之人慮不念生志在  
思死類多趨惡莫復歸正夙沙亂齊伊戾禍宋



趙高英布爲世大患不能止人遂爲非也適足  
絕人還爲善耳雖忠如鬻拳信如卞和智如孫  
臏冤如巷伯才如史遷達如子政一羅刀鋸沒  
世不齒是太甲之思庸穆公之霸秦南睢之骨  
立衛武之初筵陳湯之都賴魏尚之守邊無所  
復施也漢開改惡之路凡爲此也故明德之君  
遠度深惟棄短就長不苟革其政者也

碑

衛尉張儉碑

其先張仲實以孝友左右周室晉主夏盟而張  
老延君譽於四方君稟乾綱之正性蹈高世之  
殊軌冰潔淵清介然特立雖史魚之勵操叔向  
之正色未足比焉中常侍同郡侯覽專權王命  
豺虎肆虐威震天下君以西都督郵上覽禍亂  
凶國之罪鞫沒賊姦以巨萬計俄而制書案驗  
部黨君爲覽所陷亦章名捕逐當世英雄授命



殞身以籍濟君厄者蓋數十人故克免斯艱旋  
宅舊宇衆庶懷其德王公慕其聲州宰爭命辟  
大將軍幕府公車特就家拜少府皆不就也復  
以衛尉徵明詔嚴切勅州郡乃不得已而就之  
銘曰  
桓桓我君應天淑靈皓素其質允迪忠貞肆志  
直道進不爲榮赴戰驕臣發如震霆凌剛摧堅  
視危如寧

附錄

孔融傳

宋范曄

孔融字文舉魯國人孔子二十世孫也七世祖  
霸爲元帝師位至侍中父仙太山都尉融幼有  
異才年十歲隨父詣京師時河南尹李膺以簡  
重自居不妄接士賓客勅外自非當世名人及  
與通家皆不得白融欲觀其人故造膺門語門  
者曰我是李君通家子弟門者言之膺請融問  
曰高明祖父嘗與僕有恩舊乎融曰然先君孔



子與君先人李老君同德比義而相師友則融與君累世通家衆坐莫不歎息太中大夫陳煒後至坐中以告煒煒曰夫人小而聰了大未必竒融應聲曰觀君所言將不早慧乎膺大笑曰高明必爲偉器年十三喪父哀悴過毀扶而後起州里歸其孝性好學博涉多該覽山陽張儉爲中常侍候覽所怨覽爲刊章下州郡以名捕儉儉與融兄褒有舊亡抵於褒不遇時融年十六儉少之而不告融見其有窘色謂曰兄雖在外吾獨不能爲君主邪因留舍之後事泄國相以下密就掩捕儉得脫走遂并收褒融送獄二人未不知所坐融曰保納舍藏融也當坐之褒曰彼來求我非第之過請甘其罪吏問其母母曰家事任長妾當其辜一門爭死郡縣疑不能決乃止讞之詔書竟坐褒焉融由是顯名與平原陶丘洪陳留邊讓齊聲稱州郡禮命皆不就辟司徒楊賜府時隱覈官僚之貪濁者將加貶黜融多舉中官親族尚書畏迫內寵召掾屬詰責



之融陳對罪惡言無阿撓河南尹何進當遷爲  
大將軍楊賜遣融奉謁賀進不時通融卽奪謁  
還府投劾而去河南官屬耻之私遣劍客欲追  
殺融客有言於進曰孔文舉有重名將軍若造  
怨此人則四方之士引領而去矣不如因而禮  
之可以示廣於天下進然之旣拜而辟融舉高  
第爲侍御史與中丞趙舍不同託病歸家後辟  
司空掾拜中軍候在職三日遷虎賁中郎將會  
董卓廢立融每因對答輒有匡正之言以忤卓  
旨轉爲議郎時黃巾寇數州而北海最爲賊衝  
卓乃諷三府同舉融爲北海相融到郡收合士  
民起兵講武馳檄飛翰引謀州郡賊張饒等群  
輩二十萬衆從冀州還融逆擊爲饒所敗乃收  
散兵保朱虛縣稍復鳩集吏民爲黃巾所誤者  
男女四萬餘人更置城邑立學校表顯儒術薦  
舉賢良鄭玄彭璆邴原等郡人甄子然臨孝存  
知名早卒融恨不及之乃命配食縣社其餘雖  
一介之善莫不加禮焉郡人無後及四方游士



有死亡者皆爲棺具而斂葬之時黃巾復來侵  
暴融乃出屯都昌爲賊管亥所圍融逼急乃遣  
東萊太史慈求救於平原相劉備備驚曰孔北  
海乃復知天下有劉備邪卽遣兵三千救之賊  
乃散走時袁曹方盛而融無所協附左丞黃祖  
者稱有意謀勸融有所結納融知紹操終圖漢  
室不欲與同故怒而殺之融負其高氣志在靖  
難而才踈意廣迄無成功在郡六年劉備表領  
青州刺史建安元年爲袁譚所攻自春至夏戰  
七所餘裁數百人流矢雨集戈矛內接融隱几  
讀書談笑自若城夜陷乃奔山東妻子爲譚所  
虜及獻帝都許徵融爲將作大匠遷少府每朝  
會訪對融輒引正定議公卿大夫皆隸名而已  
初太傅馬日磾奉使山東及至淮南數有意於  
袁術術輕侮之遂奪取其節求去又不聽因欲  
逼爲軍帥日磾深自恨遂嘔血而斃及喪還朝  
廷議欲加禮融乃獨議不宜加禮朝廷從之而  
論者多欲復肉刑融建議以爲不可朝廷善之



卒不改焉是時荊州牧劉表不供職貢多行僭  
僞遂乃郊祀天地擬斥乘輿詔書班下其事融  
上疏宜隱郊祀之事以崇國防五年南陽王馮  
東海王祗薨帝傷其早歿欲爲修四時之祭以  
訪於融融對曰聖恩敦睦感時增思悼二王之  
靈發哀愍之詔稽度前典以正禮制竊觀故事  
前梁懷王臨江愍王齊哀王臨淮懷王並薨無  
後同產昆弟卽景武昭明四帝是也未聞前朝  
修立祭祀若臨時所施則不列傳紀臣愚以爲  
諸在冲亂聖慈哀悼禮同成人加以號謚者宜  
稱上恩祭祀禮畢而後絕之至於一歲之限不  
合禮意又違先帝已然之法所未敢處初曹操  
攻屠鄴城袁氏婦子多見侵略而操子丕私納  
袁熙妻甄氏融乃與操書稱武王伐紂以妲己  
賜周公操不悟後問出何經典對曰以今度之  
想當然耳後操討烏桓又嘲之時年饑兵興操  
表制酒禁融頻書爭之多侮慢之辭旣見操雄  
詐漸著數不能堪故發辭偏宕多致乖忤又嘗



奏宜準古王畿之制千里寰內不以封建諸侯  
操疑其所論建漸廣益憚之然以融名重天下  
外相容忍而潛忌正議慮鯁大業山陽郗慮承  
望風旨以微法奏免融官因顯明讎怨操故書  
激厲融融答之歲餘復拜太中大夫性寬容少  
忌好士喜誘益後進及退閑職賓客日盈其門  
常歎曰坐上客常滿尊中酒不空吾無憂矣與  
蔡邕素善邕卒後有虎賁士貌類於邕融每酒  
酣引與同坐曰雖無老成人且有典刑融聞人  
之善若出諸已言有可採必演而成之面告其  
短而退稱所長薦達賢士多所獎進知而未言  
以爲已過故海內英俊皆信服之曹操旣積嫌  
忌而郗慮復構成其罪遂令丞相軍謀祭酒路  
粹枉狀奏融曰少府孔融昔在北海見王室不  
靜而招合徒衆欲規不軌云我大聖之後而見  
滅於宋有天下者何必卯金刀及與孫權使語  
謗訕朝廷又融爲九列不遵朝議禿巾微行唐  
突宮掖又前與白衣禰衡跌蕩放言云父之於



子當有何親論其本意實爲情欲發耳子之於  
母亦復奚爲譬如寄物瓶中出則離矣旣而與  
衡更相贊揚衡謂融曰仲尼不死融答曰顏回  
復生大逆不道宜極重誅書奏下獄棄市時年  
五十六妻子皆被誅初女年七歲男年九歲以  
其幼弱得全寄它舍二子方奕棋融被收而不  
動左右曰父執而不起何也答曰安有巢毀而  
卵不破乎主人有遺肉汁男渴而飲之女曰今  
日之禍豈得久活何賴知肉味乎兄號哭而止  
或言於曹操遂盡殺之及收至謂兄曰若死者  
有知得見父母豈非至願乃延頸就刑顏色不  
變莫不傷之初京兆人脂習元升與融相善每  
戒融剛直及被害許下莫敢收者習往撫尸曰  
文舉舍我死吾何用生爲操聞大怒將收習殺  
之得赦出魏文帝深好融文辭歎曰楊班儔也  
募天下有上融文章者輒賞以金帛所著詩頌  
碑文論議六言策文表檄教令書記凡二十五  
篇文帝以習有樂布之節加中散大夫



論曰昔諫大夫鄭昌有言山有猛獸者藜藿爲之不採是以孔父正色不容弑虐之謀平仲立朝有紆盜齊之望若夫文舉之高志直情其足以動義槩而忤雄心故使移鼎之迹事隔於人存代終之規啟機於身後也夫嚴氣正性覆折而已豈有員園委屈可以每其生哉懍懍馬皜皜焉其與琨玉秋霜比質可也

贊曰北海天逸音情頓挫越俗易驚孤音少和直轡安歸高謀誰佐

孔北海贊

有序

宋蘇軾

文舉以英偉冠世之資師表海內意所予奪天下從之此人中龍也而曹操陰賊險狠特鬼蜮之雄者耳其勢決不兩立非公誅操則操害公此理之常而前史乃謂公負其高氣志在靖難而才踈意廣訖無成功此蓋當時奴婢小人論公之語公之無成天也使天未欲亡漢公誅操如殺狐兔何足道哉世之稱人豪者才氣各有高庠然皆以臨難不懼談笑就死爲雄操以病



亡子孫滿前而咿嚶滄泣留連妾婦分香賣履  
區處衣物平生姦僞死見真性世以成敗論人  
物故操得在英雄之列而公見謂才踈意廣豈  
不悲哉操平生畏劉備而備以公知天下有已  
爲喜天若胙漢公使備誅操無難也予讀公所  
作楊四公贊歎曰方操害公復有魯國一男子  
慨然爭之公庶幾不死乃作孔北海贊曰  
晉有羯奴盜賊之靡欺孤如操又羯所耻我書  
春秋與齊豹齒文舉在天雖亡不死我宗若人  
尚友千祀視公如龍視操如鬼

撫事如神遇臨風獨

志

練碑折古

苔青珪玉埋英氣山河

孕

鷲嶺風揚

翰助文星

蓋

月







悴茲傷不底寧。鸞鳳嬰雪亦狼虎。犯雲屏。蘭蕙  
遺荒址。榛蕪蔽舊坳。鞞轅近沂水。何事戀明庭。

### 遺事

融在北海自以智能優贍。溢才命世。當時豪俊  
皆不能及。且欲舉軍曜甲。自於海岱結殖根本。  
不肯碌碌如平居郡守事。方伯赴期會而已。

九州

春秋

太史慈之遼東。孔融數遣人訊問其母。并致餉。  
遺後融屯都昌。爲賊所圍。慈母謂慈曰。汝與孔  
北海未嘗相見。至汝行後。贍恤殷勤過於故舊。  
今爲賊圍。汝宜赴之。慈單步徑至都昌。

吳志



氏儀字子羽仕為郡吏郡相孔融嘲儀言氏字民無上可改為是乃遂改焉

吳志

孔文舉為北海相有遭父喪哭泣墓側色無憔悴文舉殺之有父病瘥思食新麥乃盜隣人麥以進文舉賞之盜而不罪者以勸養也哭而見殺者以哀而不實也

徐州牧陶謙卒別駕糜竺率州人迎先王先王曰袁公路近在壽春此君四世五公海內所歸可以州與之孔融曰袁術豈憂國忘家者耶冢

中枯骨何足介意今日之事百姓與能天予不取悔不可追先王遂領徐州

華陽國志

太尉楊彪與袁術婚姻術僭號太祖執彪將殺焉融聞之不及朝服往見太祖曰楊公累世清德四葉重光周書父子兄弟罪不相及况以袁氏之罪乎易稱積善餘慶但欺人耳太祖曰國家之意也融曰假使成王殺召公周公可得言不知邪今天下纓綬之士所以瞻仰明公者以明公聰明仁智輔相漢朝舉直錯枉致之雍熙



耳今橫殺無辜則海內觀聽誰不解體孔融魯國男子明日便當褰衣而去不復朝矣太祖意解遂理出彪

獻帝頗好文學荀悅荀彧及少府孔融侍講禁中旦夕談論

陳元龍曰博聞強記奇逸卓犖吾敬孔文舉世說

新語

禰衡北遊許都書一刺懷之漫滅而無所遇或問當今誰可者衡曰大兒孔文舉小兒楊德祖

典畧

集評

蕭通理嘗祭孔文舉墓并為立碑製文甚美梁書

孔氏卓卓信合異氣筆墨之性殆不可勝劉公幹

孔文舉之書陸士衡之議可謂之文李克翰

文龍

千



陳元龍曰博聞強記奇逸卓犖吾敬孔文舉

蕭嚴野嘗祭孔文舉墓并為立碑與文舉美

畧

言今維可者簡曰孔文舉小兒易怒

集評

孔融氣體高妙 典論

孔氏卓卓信合異氣筆墨之性殆不可勝 劉公幹

孔文舉之書陸士衡之議可謂之文 李克翰林論

文舉之薦彌衡氣揚采飛 文心雕龍

孔融之守北海文教麗而罕於理 文心雕龍

文舉屬章半簡必錄 文心雕龍

孔融所創有慕伯喈張陳兩文辨給足采 文心雕龍



諸葛丞相集序

武鄉篤魚水之歡搆蠶叢  
之緒十倍曹丕固也嗣主  
不才君可自取主臣之際  
直是全瀝血誠焉余又歎  
以禪之闇沕而當武鄉之



世了無失德可猜似於中  
有默化處武鄉身在行間  
君門遠於萬里而黃皓在  
側終伏而不敢逞猶之仲  
達甘受巾幘直至將星宵  
殞然後得志此其幹旋俱  
非後世人所能得測矣夫  
張文成之贊草昧也鄧高  
密之毗中興也武鄉之締  
末造也三人俱王佐才弘  
振儒効然文成高密翊運  
方昌難而易武鄉維運將



墜難而難張鄧於文辭不  
少槩見獨武鄉諸作如日  
月經天延曜入后洪灝之  
氣依然可掬微獨出師二  
表梁父一吟芬人齒牙其  
他條奏教令語語真至俱  
令聞者意醒即屑玉碎珠  
莫非重寶也按陳壽上諸  
葛集表云荀勗和嶠使臣  
定蜀相諸葛故事輒刪除  
複重隨類相從為二十四  
篇然則名雖為集實為事



與言兼載非盡其文筆而  
今已無傳矣郭哲卿中丞  
在楚嘗刻公集然多未備  
余錄其文筆存者裒成二  
卷余兒凱甫時年十二從  
旁咲曰是固八陣之刺圖  
而木牛流馬之遺法也  
歲在辛酉夏哉生明日  
紹和張燮識於竹間





多言集



諸葛丞相集目錄

卷之一

吟

梁甫吟

詔

為後主伐魏詔

表

群下上漢帝請先主為漢中王表

請宣大行遺詔表



前出師表

後出師表

表薦呂凱表

呂凱答雍闓檄附

彈李平表

彈廖立表

又

卷之臨終遺表

督蔭為諸葛丞相請立祠表附

疏

街亭自貶疏

上事疏

公文

公文上尚書

卷之二

教

與群下教

又



言部卷之木集  
目錄  
二  
答蔣琬教

作斧教

黜來敏教

書二

與關雲長書

與杜微書

答杜微書

答李嚴書二首

與張裔書

與張裔蔣琬書二首

與蔣琬董允書

與孟達論李嚴書

與李豐書

與劉巴書

與劉巴與諸葛亮書附

又與劉巴論張飛書

與孟達書

與孟達答諸葛丞相書附



與陸遜書

與步騭書

與兄瑾書九首

誠子書二首

誠外生

議

正議

絕盟好議

記

黃陵廟記

碑

司馬季主墓碑

附錄

諸葛亮傳

蜀諸葛丞相祠堂碑

移建武侯祠記

與諸葛丞相牋書

與諸葛丞相書

晉陳壽

唐裴度

宋王十朋

蜀劉琰

蜀馬謖



與諸葛公書

蜀馬良

獄中與諸葛公書

蜀彭萊

進諸葛亮集表

晉陳壽

諸葛丞相贊

蜀楊戲

諸葛武侯宅銘

晉習鑿齒

三國名臣贊畧

晉袁宏

樂葛優劣論

晉張輔

武侯宅古栢銘

唐段文昌

諸葛武侯像贊

宋張栻

諸葛武侯廟銘

明楊士奇

祭諸葛丞相文

晉李興

吊孔明文

晉安慮

謁武侯廟文

宋王十朋

八陣圖

晉桓溫

先主武侯廟

唐岑參

古栢行

唐杜甫

蜀相

唐杜甫

懷古

唐杜甫



諸葛廟

唐杜甫

八陣圖

唐杜甫

武侯廟

唐杜甫

讀諸葛武侯傳

唐李白

觀八陣圖

唐劉禹錫

題籌筆驛

唐羅隱

籌筆驛

唐李商隱

武侯廟古栢

唐李商隱

孔明書臺

宋宋祈

諸葛武侯

宋王安石

又

宋王安石

八陣磧

宋蘇軾

隆中

宋蘇軾

灘石八陣圖行

宋王剛中

武侯祠

宋張震

武侯新祠用韻

宋王十朋

登八陣臺觀忠武侯遺像作長句

宋張演

觀軍



遺事

集評 朝堂驛出 方刻 貴 斜 許 廷 同

方刻 蔣 用 附 宋王十朋

方刻 師 宋 張 家

鐵 五 八 朝 同 言 宋王 四 中

朝 中 宋 禴 神

八 朝 同 宋 禴 神

又 宋 王 安 石

宋 王 安 石

諸葛丞相集卷之一

漢瑯琊諸葛亮孔明著

明閩漳張 燮紹和纂

吟

梁甫吟

步出齊城門，遙望蕩陰里。里中有三墳，纍纍正

相似。問是誰家墓，田疆古冶子。一作力能排南

山文能絕地紀，一朝被讒言。二桃殺三士，誰能

為此謀。國相齊晏子。



為也精圖昧齊是于

山文新錄賦賦一傳亦謂言二昧錄三士精前

出出齊地門豈望萬里望中百三歲舉舉五

梁甫令

知

知

知

知

知

知

知

知

知

知

知

知

知

知

詔

為後主代魏詔

朕聞天地之道福仁而禍淫善積者昌惡積者

喪古今常數也是以湯武脩德而王桀紂極暴

而亡曩者漢祚中微網漏凶慝董卓造難震蕩

京畿曹操階禍竊執天衡殘剝海內懷無君之

心予丕孤監敢尋亂階盜據神器更姓改物世

濟其凶當此之時皇極幽昧天下無主則我帝

命隕越于下昭烈皇帝體明叡之德光演文武



應乾坤之運出身平難經營四方人鬼同謀百姓與能兆民欣戴奉順符讖建位易號丕承天序補弊興衰存復祖業膺誕皇綱不墜於地萬國未靜早世遐殂朕以幼冲繼統鴻基未習保傳之訓而嬰祖宗之重六合壅否社稷不建未惟所以念在匡救光載前緒未有攸濟朕甚懼焉是以夙興夜寐不敢自逸每從菲薄以益國用勸分務穡以阜民財授才任能以參其聽斷私降意以養將士欲奮劍長驅指討凶逆朱旗未舉而不復隕喪斯所謂不然我薪而自焚也殘類餘醜又支天禍恣睢河洛阻兵未弭諸葛丞相弘毅忠壯忘身憂國先帝托以天下以勗朕躬今授之以旄鉞之重付之以專命之權統領步騎二十萬衆董督元戎龔行天伐除患寧亂克復舊都在此行也昔項籍總一疆衆跨州兼土所務者大然卒敗垓下死於東城宗族如焚爲笑千載皆不以義陵上虐下故也今賊倣尤天人所怨奉時宜速庶憑炎精祖宗威靈相



助之福所向必克吳王孫權同恤災患潛軍合  
謀倚角其後涼州諸國王各遣月支康居胡侯  
支富康植等二十餘人詣受節度大軍北出便  
欲率將兵馬奮戈先驅天命旣集人事又至師  
貞勢并必無敵矣夫王者之兵有征無戰尊而  
且義莫敢抗也故鳴條之後軍不血刃牧野之  
師商人倒戈今旄靡首路其所經至亦不欲窮  
兵極武有能棄邪從正簞食壺漿以迎王師者  
國有常典封寵大小各有品限及魏之宗族支  
葉中外有能規利害審逆順之數來詣降者皆  
原除之昔輔果絕親于智氏而蒙全宗之福微  
子去殷項伯歸漢皆受茅土之慶此前世之明  
驗也若其迷沉不反將助亂人不式王命戮及  
妻孥罔有攸赦廣宣恩威貸其元帥弔其殘民  
他如詔書律令丞相其露布天下俾稱朕意焉



漢學固自劉向黃宣思後有其示相甲其數矣  
錫也昔其數於不又泚如牆人不友王命遷又  
于去與取自謂數皆受來土之變也前世之朋  
氣創之昔神果縣縣于管刃而蒙全宗之誦歟  
葉中其有謂賦休害審茲則之變來謂制者皆  
表

群下上漢帝請先主爲漢中王表

昔唐堯至聖而四凶在朝周成仁賢而四國作  
難高后稱制而諸呂竊命孝昭幼冲而上官逆  
謀皆馮世寵藉履國權窮凶極亂社稷幾危非  
大舜周公朱虛博陸則不能流放禽討安危定  
傾伏惟陛下誕姿聖德統理萬邦而遭厄運不  
造之艱董卓首難蕩覆京畿曹操階禍竊執天  
衡皇后太子鳩殺見害剝亂天下殘毀民物父



言卷之八  
五  
令陛下蒙塵憂厄幽處虛邑人神無主遏絕王  
命厭昧皇極欲盜神器左將軍領司隸校尉豫  
荆益三州牧宜城亭侯備受朝爵秩念在輸力  
以殉國難覩其機兆赫然憤發與車騎將軍董  
承同謀誅操將安國家克寧舊都會承機事不  
密令操游蒐得遂長惡殘泯海內臣等每懼王  
室大有閭樂之禍小有安定之變夙夜惴惴戰  
慄累息昔在虞書敦序九族周監二代封建同  
姓詩著其義歷載長久漢興之初割裂疆土尊  
王子弟是以卒折諸呂之難而成太宗之基臣  
等以備肺腑枝葉宗子藩翰心存國家念在弭  
亂自操破於漢中海內英雄望風蟻附而爵號  
不顯九錫未加非所以鎮衛社稷光昭萬世也  
奉辭在外禮命斷絕昔河西太守梁統等值漢  
中興限於山河位同權均不能相率咸推竇融  
以爲元帥卒立效績摧破隗躡今社稷之難急  
於隴蜀操外吞天下內殘群寮朝廷有蕭牆之  
危而禦侮未建可爲寒心臣等輒依舊典封備



漢中王拜大司馬董齊六軍糾合同盟掃滅凶  
逆以漢中巴蜀廣漢犍爲爲國所署置依漢初  
諸侯王故典夫權宜之制苟利社稷專之可也  
然後功成事立臣等退伏矯罪雖死無恨

請宣大行遺詔表

伏惟大行皇帝邁仁樹德覆燾無疆昊天不弔  
寢疾彌留今月二十四日奄忽升遐臣妾號咷  
若喪考妣乃顧遺詔事惟太宗動容損益百寮  
發哀滿三日除服到葬期復如禮其郡國太守  
相都尉縣令長三日便除服臣亮親受勅戒震  
畏神靈不敢有違臣請宣下奉行







言卷之八 卷一  
偏私使內外異法也侍中侍郎郭攸之費禕董允等此皆良實志慮忠純是以先帝簡拔以遺陛下愚以爲宮中之事事無大小悉以咨之然後施行必能裨補闕漏有所廣益也將軍向寵性行淑均曉暢軍事試用於昔日先帝稱之曰能是以衆議舉寵以爲督愚以爲營中之事事無大小悉以諮之必能使行陣和穆優劣得所也親賢臣遠小人此先漢所以興隆也親小人遠賢臣此後漢所以傾頽也先帝在時每與臣論此事未嘗不歎息痛恨於桓靈也侍中尚書長史叅軍此悉貞亮死節之臣也願陛下親之信之則漢室之隆可指日而待也臣本布衣躬耕南陽苟全性命於亂世不求聞達於諸侯先帝不以臣卑鄙猥自枉屈三顧臣於草廬之中諮臣以當世之事由是感激遂許先帝以驅馳後值傾覆受任於敗軍之際奉命於危難之間爾來二十有一年矣先帝知臣謹慎故臨崩寄臣以大事也受命以來夙夜憂勤恐付託不效



以傷先帝之明故五月渡瀘深入不毛今南方已定甲兵已足當帥將三軍北定中原庶竭駑鈍攘除姦凶興復漢室還於舊都此臣所以報先帝而忠陛下之職分也至於斟酌損益進盡忠言則攸之禕允之任也願陛下託臣以討賊興復之效不效則治臣之罪以告先帝之靈若無興德之言則戮允等以章其慢陛下亦宜自謀以諮諏善道察納雅言深追先帝遺詔臣不勝受恩感激今當遠離臨表涕泣不知所云

後出師表

先帝慮漢賊不兩立王業不偏安故託臣以討賊也以先帝之明量臣之才故知臣伐賊才弱敵疆也然不伐賊王業亦亡惟坐而待亡孰與伐之是故託臣而弗疑也臣受命之日寢不安席食不甘味思惟北征宜先入南故五月渡瀘深入不毛并日而食臣非不自惜也顧王業不可得偏全於蜀都故冒危難以奉先帝之遺意也而議者謂爲非計今賊適疲於西又務於東



兵法乘勞此進趨之時也謹陳其事如左高帝  
明並日月謀臣淵深然涉險被創危然後安今  
陛下未及高帝謀臣不如良平而欲以長計取  
勝坐定天下此臣之未解一也劉繇王朗各據  
州郡論安言計舉引聖人群疑滿腹衆難塞胸  
今歲不戰明年不征使孫策坐大遂并江東此  
臣之未解二也曹操智計殊絕於人其用兵也  
髣髴孫吳然因於南陽險於烏巢危於邴連偪  
於黎陽幾敗伯山殆死潼關然後僞定一時耳  
况臣才弱而欲以不危而定之此臣之未解三  
也曹操五攻昌霸不下四越巢湖不成任用李  
服而李服圖之委夏侯而夏侯敗亡先帝每稱  
操爲能猶有此失况臣駑下何能必勝此臣之  
未解四也自臣到漢中中間募年矣然喪趙雲  
陽群馬玉關芝丁立白壽劉郃鄧銅等及曲長  
屯將七十餘人突將無前賓叟青羗散騎武騎  
一千餘人此皆數十年之內所糾合四方之精  
銳非一州之所有若復數年則損三分之一也



當何以圖敵此臣之未解五也今民窮兵疲而  
事不可息事不可息則任與行勞費正等而不  
及虛圖之欲以一州之地與賊持久此臣之未  
解六也夫難平者事也昔先帝敗軍於楚當此  
時曹操拊手謂天下已定然後先帝東連吳越  
西取巴蜀舉兵北征夏侯授首此操之失計而  
漢事將成也然後吳更違盟關羽毀敗秭歸蹉  
跌曹丕稱帝凡事如是難可逆見臣鞠躬盡力  
死而後已至於成敗利鈍非臣之明所能逆

也觀

### 薦呂凱表

呂凱為永昌郡吏雍闓降吳吳署闓為永昌太守凱與府丞王伉帥屬吏民閉境拒闓亮南征上表會凱為叛夷所殺以其子祥嗣侯

永昌郡吏呂凱府丞王伉等執忠絕域十有餘  
年雍闓高定偏其東北而凱等守義不與交通  
臣不意永昌風俗敦直乃爾以凱為雲南太守  
封陽遷亭侯

### 呂凱答雍闓檄附

天降喪亂奸雄乘釁天下切齒萬國悲悼臣



妾大小莫不思竭筋力肝腦塗地以除國難  
伏惟將軍世受漢恩以爲當躬聚黨衆率先  
啟行上以報國家下不負先人書功竹帛遺  
名千載何期臣僕吳越背本就末乎昔舜勤  
民事隕于蒼梧書籍嘉之流聲無窮崩于江  
浦何足可悲文武受命成王乃平先帝龍興  
海內望風宰臣聰睿自天降康而將軍不覩  
盛衰之紀成敗之符譬如野火在原蹈履河  
冰火滅冰泮將何所依附曩者將軍先君雍  
侯造怨而封竇融知興歸志世祖皆流名後  
葉世歌其美今諸葛丞相英才挺出深覩未  
萌受遺託孤翊贊季興與衆無忌錄功忘瑕  
將軍若能翻然改圖易跡更步古人不難追  
鄙土何足宰哉蓋聞楚國不恭齊桓是責夫  
差僭號晉人不長况臣於非主誰肯歸之邪  
竊惟古義臣無越境之交是以前後有來無  
往重承告示發憤忘食故畧陳所懷惟將軍  
察焉



猶土師以幸造蓋聞焚國不恭齊師長責夫  
洪軍甚非備然效圖是視更赴古人不難哉  
前受貴言瓜位贊率與與衆無忌驗故忘難  
葉母媚其美今諸葛丞相英木琳出氣勝未  
辨豈惑而桂寶蠟味與鶴志甘師皆流各發

彈李平表

自先帝崩後平所在治家尚爲小惠安身求名  
無憂國之事臣當北出欲得平兵以鎮漢中平  
窮難縱橫無有來意而求以五郡爲巴州刺史  
去年臣欲西征欲令平主督漢中平說司馬懿  
等開府辟召臣知平鄙情欲因行之際偏臣取  
利也是以表平子豐督主江州隆崇其遇以取  
一時之務平至之日都委諸事群臣上下皆怪  
臣待平之厚也正以大事未定漢室傾危伐平



之短莫若褒之然謂平情在於榮利而巳不意  
平心顛倒乃爾若事稽留將致禍敗是臣不敏  
言多增咎

彈廖立表

長水校尉廖立坐自貴大臧吞群士公言國家  
不任賢達而任俗吏又言萬人率者皆小子也  
誹謗先帝疵毀衆臣人有言國家兵衆簡練部  
伍分明者立舉頭視屋憤咤作色曰何足言凡  
如是者不可勝數羊之亂群猶能爲害况立託  
在大位中人以下識真偽邪



又

立奉先帝無忠孝之心守長沙則開門就敵領  
巴郡則有闇昧鬪茸其事隨大將軍則誹謗譏  
訶侍梓宮則挾刃斷人頭於梓宮之側陛下卽  
位之後普增職號立隨比爲將軍面語臣曰我  
何宜在諸將軍中不表我爲卿上當在五校臣  
答將軍者隨大比耳至於卿者正方亦未爲卿  
也且宜處五校自是之後怏怏懷恨

臨終遺表

伏念臣賦性拙直遭時艱難興師北伐未獲全  
功何期病在膏肓命垂旦夕伏願陛下清心寡  
慾約已愛民達孝道於先君布仁心於寰宇提  
拔逸隱以進賢良屏黜奸讒以厚風俗臣家成  
都有桑八百株薄田十五頃子孫衣食自有餘  
饒臣身在外別無調度隨時衣食悉仰於官不  
別治生以長尺寸臣死之日不使內有餘帛外  
有盈財以負陛下也



習隆爲諸葛丞相請立祠表附

臣聞周人懷召伯之德甘棠爲之不伐越王  
思范蠡之功鑄金以存其像自漢興以來小  
善小德而圖形立廟者多矣况亮德範遐邇  
勲蓋季世興王室之不壞實斯人是賴而烝  
嘗止於私門廟像闕而莫立使百姓巷祭戎  
夷野祀非所以存德念功述追在昔者也今  
若盡順民心則瀆而無典建之京師又偏宗  
廟此聖懷所以惟疑也臣愚以爲宜因近其  
墓立之于沔陽使所親屬以時賜祭凡其臣  
故吏欲奉祠者皆限至廟斷其私祀以崇正

臣禮弱才叨竊非禮視兼旄鉞以厲三軍不能  
訓章明法臨事而懼至有街亭違命之闕箕谷  
不戒之失咎皆在臣授任無方臣明不知人料  
事多闕春秋責帥臣職是當請自貶三等以督  
厥咎



習隆爲諸葛丞相請立祠表附

臣聞周人懷召伯之德甘棠爲之不伐越王  
思范蠡之功鑄金以存其像自漢興以來小  
善小德而圖形立廟者多矣况亮德範遐邇  
勲蓋季世興王室之不壞實斯人是賴而悉  
嘗止於私門廟像闕而莫立使百姓巷祭戎  
豔野祀非所以存德念功述追在昔者也今  
姑夷燔奉師普皆別至釀糴其卒師以崇五  
墓立之于西則與祖縣蠶以執顯祭良其且

疏

街亭自貶疏

臣以弱才叨竊非據親秉旄鉞以厲三軍不能  
訓章明法臨事而懼至有街亭違命之闕箕谷  
不戒之失咎皆在臣授任無方臣明不知人料  
事多闇春秋責帥臣職是當請自貶三等以督  
厥咎

上津廟



上事疏

臣先遣孟琰據武功水東司馬懿因渭水漲以二十日出騎萬人來攻琰營臣作車橋越水射之賊見橋垂成便引兵退當請自領三營以督

公文

公文上尚書

平爲大臣受恩過量不思忠報橫造無端危耻不辨迷罔上下論獄棄科導人爲姦俠情志狂若無天地自度姦露嫌心遂生聞軍臨至西嚮託疾還沮漳軍臨至沮復還江陽平叅軍狐忠勤諫乃止今篡賊未滅社稷多難國事惟和可以克捷不可苞含以危大業輒與行中軍師車騎將軍都鄉侯臣劉琰使持節前軍師征西大



將軍領涼州刺史南鄭侯臣魏延前將軍都亭  
侯臣袁綝左將軍領荊州刺史高陽鄉侯臣吳  
壹督前部右將軍玄鄉侯臣高翔督後部後將  
軍安樂亭侯臣吳班領長史綏軍將軍臣楊儀  
督左部行中監軍揚武將軍臣鄧芝行前監軍  
征南將軍臣劉巴行中護軍偏將軍臣費禕行  
前護軍偏將軍漢成亭侯臣許允行左護軍篤  
信中郎將臣丁咸行右護軍偏將軍臣劉敏行  
護軍征南將軍當陽亭侯臣姜維行中典軍討  
虜將軍臣上官雝行中叅軍昭武中郎將臣胡  
濟行叅軍建義將軍臣閻晏行叅軍偏將軍臣  
麴習行叅軍裨將軍臣杜義行叅軍武畧中郎  
將臣杜祺行叅軍綏戎都尉臣盛勃領從事中  
郎武畧中郎將臣樊岐等議輒解平任免官祿  
節傳印綬符策削其爵土也若遠小嫌雖相違









原件破损



能慕元直之十反幼宰之殷勤有忠於國則亮可少過矣

又

昔初交州平屢聞得失後交元直勤見啟誨前  
叅軍於幼宰每言則盡後從事於偉度數有諫  
止雖姿性鄙暗不能悉納然與此四子終始好  
合亦足以明其不疑於直言也

### 答蔣琬教

亮開府辟琬為東曹掾舉茂才琬固讓亮答之不作功徼而有私

思惟背親捨諸人共憎我何故如是敏年老狂  
又使坐此怨言昔成都初定議者以為來敏亂群  
先帝以新定之際故遂含容無所禮用後劉子  
初選以為太子家令先帝不悅而不忍拒也今  
上即位吾闇於知人遂復擢為將軍祭酒違議  
者之審見背先帝所疎外自謂能以敦厲薄俗  
帥之以義今既不能表退職使閉門思愆



能慕元直之平反幼宰之殷勤有忠於國則亮  
可少過矣

又

昔初交州平屢聞得失後交元直勤見啟誨前  
叅軍於幼宰每言則盡後從事於偉度數有諫  
姿性鄙暗不能悉納然與此四子終始好

思其不疑於直言也

### 黜來敏教

將軍來敏對上官顯言新人有何功德而奪我  
榮資與之邪諸人共憎我何故如是敏年老狂  
悖生此怨言昔成都初定議者以爲來敏亂群  
先帝以新定之際故遂含容無所禮用後劉子  
初選以爲太子家令先帝不悅而不忍拒也今  
上卽位吾聞於知人遂復擢爲將軍祭酒違議  
者之審見背先帝所疎外自謂能以敦厲薄俗  
帥之以義今旣不能表退職使閉門思愆



之文以養今猶不銷未幾雖封閉門思欲

昔之審員皆安帝祗刺其言詰詰以遠風蕪谷

土相山吾聞然賦人教外默為將軍祭既數請

亦豈以為太子寒令去者不計而小惑琳也今

去帝以備安之烈討至合容無測斷以遊健于

對主... 言人... 言人... 言人...

第資與之非指人共仰未何若故公如平去五

餘軍來... 上官... 言人... 言人... 言人...

無來... 言人...

書與社微書

答關雲長書

孟起兼資文武雄烈過人一世之傑黥彭之徒

當與益德並驅爭先猶未及髯之絕倫逸群也

泰李伯仁王文儀楊季休丁君幹李未南兄弟

之中... 言人... 言人... 言人...



當與益蘇並驅爭先蘇未及尋之蘇俞致鞞也  
孟味兼資文為壯然歐人一廿之鞞鯨渣之卦

答關雲尋書

書

與杜微書

微先為劉璋從事以疾去官先主定蜀微稱龔閉門不出亮領益州牧選迎皆妙簡舊德以微為主簿微固辭輦而致之亮以微不聞人語於坐上與書

服聞德行饑渴歷時清濁異流無緣咨覲王元  
泰李伯仁王文儀楊季休丁君幹李永南兄弟  
文仲寶等每歎高志未見如舊猥以空虛統領  
貴州德薄任重慘慘憂慮朝廷主公今年始十  
八天姿仁敏愛德下士天下之人思慕漢室欲  
與君因天順民輔此明主以隆季興之功著勲



於竹帛也以謂賢愚不相為謀故自割絕守勞而已不圖自屈也

答杜微書

微自乞老病求歸亮又與書答之拜諫議大夫以從其志

曹丕篡弑自立為帝是猶土龍芻狗之有名也欲與群賢因其邪偽以正道滅之怪君未有相誨便欲求還於山野丕又大興勞役以向吳楚今因丕多務且以閉境勤農育養民物並治甲兵以待其挫然後伐之可使兵不戰民不勞而天下定也君但當以德輔時耳不責君軍事何為汲汲欲求去乎







又

吾受賜八十斛今蓄財無餘妾無副服

與張裔書

亮北住漢中欲用裔為留府長史問楊洪對曰裔天姿明察性不公平恐不可專任不如留向朗初裔子為洪吏微過受罰裔以為恨時或疑洪自欲作長史或知裔自嫌不願裔處要職後裔與司鹽校尉岑述不和至于忿恨亮與裔書論者由是明洪私無

君昔在陌下營壞吾之用心食不知味後流迸南海相為悲歎寢不安席及其來還委付大任同獎王室自以為與君古之石交也石交之道舉讎以相益割骨肉以相明猶不相謝也况吾



但委噫於元儉而君不能忍邪不昧德也此吾

同樊正室自以為與昔古之小交也亦交之數

南或時為悲憫寤不安謂以其來豈委於大升

昔昔玉剖于營樂吾之恨心食不味和然孤旅

無

不唯至千念

不唯至千念

不唯至千念

不唯至千念

與張裔蔣琬書

亮辟姜維為倉曹掾加奉義將軍與留府長史張裔參軍蔣琬書

姜伯約忠勤時事思慮精密考其所有永南季

常諸人不如也其人涼州上士也

又

須先教中虎步兵五六千人姜伯約甚敏於軍

事既有膽義深解兵意此人心存漢室而才兼

於人畢教軍事當遣詣宮觀見主上

令史又賊太尉







### 與孟達論李嚴書

部分如流趣捨罔滯正方性也

李平坐臨刑前書

李平坐臨刑前書

李平坐臨刑前書

李平坐臨刑前書

### 與李豐書

初亮以李嚴子豐為江州都督命嚴以中都護署府事嚴改名平亮軍祁山平催督運事值天霖雨運糧不繼呼亮來還軍退乃更陽驚軍糧饒足何以便歸又表後主說軍詐退欲以誘賊亮出其前後書疏表廢為民又教與平子豐後聞亮卒發病死

吾與君父子戮力以獎漢室此神明所聞非但

人知之也表都護典漢中委君於東關者不與

人議也謂至心感動終始可保何圖中垂乎昔

楚卿屢誑亦乃克復思道則福應自然之數也



言身本集 卷二  
願寬慰都護勤追前闕今雖解任形業失故奴  
婢賓客百數十人君以中郎叅軍居府方之氣  
類猶爲上家若都護思負一意君與公琰推心  
從事者否可復通逝可復還也詳思斯戒明吾  
用心臨書長歎涕泣而已

與劉巴書

劉公雄才蓋世據有荆土莫不歸德天人去就  
已可知矣足下欲何之

劉巴與諸葛亮書附

乘危歷險到值思義之民自與之衆承天之  
心順物之性非余身謀所能勸動若道窮數  
盡將託命於滄海不復顧荊州矣



又與劉巴論張飛書

張飛雖實武人敬慕足下主公方今收合文武以定大事足下雖天素高亮宜少降意也

公則以此非余言也指其語出使使陳建乘亦思劍徑直思之男自與之受承天之

隆公勸木蓋世跡不無士莫不歸焉天入志

隆公勸木蓋世跡不無士莫不歸焉天入志

與孟達書

與孟達書

達與劉封不和叛歸魏為新城太守亮南行歸至漢陽縣降人李鴻詣亮言孟達許適見王冲從南來言往者達之去就明公切齒欲誅達妻子賴先主不聽耳達盡不信冲言委仰名公無復已已亮將北伐欲誘達為外援乃與達書達得書數相交通欲叛魏魏遣司馬懿征之即斬達

往年南征歲未及還適與李鴻會於漢陽承知消息慨然永歎以存足下平素之志豈徒空託名榮貴為乖離乎嗚呼孟子斯實劉封侵陵足下以傷先主待士之義又鴻道王冲造作虛語



云足下量度吾心不受冲說尋表明之言追平生之好依依東望故遣有書

孟達與諸葛丞相書附

宛去洛八百里去此千二百里聞吾舉事當表上天子比相反覆一月間也則吾城已固諸軍足辦吾所在深險司馬公必不自來諸將來吾無患矣

### 與陸遜書

恪為亮兄瑾之子孫權置節度官典掌軍糧將用恪亮與遜書遜以白權即轉恪領兵

家兄年老而恪性疎八使點主糧穀糧穀軍之要最僕雖在遠竊用不安足下特為啟至尊轉之



與步騭書

僕前軍在五丈原原在武功西十里馬塚在武功東十餘里有高勢攻之不便是以留耳

與兄瑾書

兄嫌白帝兵非精練到所督則先主帳下白旄西方上兵也嫌其少也當復部分江州兵以廣益之

又

蜀志趙雲本傳云亮駐漢中出軍揚聲由斜谷道令趙雲與鄧芝往拒曹真而身攻祁山雲芝兵弱敵疆失利於箕谷又趙雲別傳云雲敗退有軍資餘絹亮使分賜將士雲曰軍士無利何為有賜其物請悉入赤岸府庫須十月為冬賜按與瑾此二書似即其事也



前趙子龍退軍燒壞赤岸以北閣道緣谷一百餘里其閣梁一頭入山腹其一頭立柱於水中今水大而急不得安柱此其窮極不可彊也

又

頃大水暴出赤岸以南橋閣悉壞時趙子龍與鄧伯苗一戍赤岸屯田一戍赤岸口但得緣岸與伯苗相聞而已

又

渭水又東與陽溪合上承斜水水自斜谷分注綏陽溪北屈陳倉入故亮與兄瑾書

有綏陽小谷雖山崖絕重谿水縱橫難用行軍者邏候往來要道通人今使前軍斫治此道以向陳倉足以扳連賊勢使不得分兵東行者也

又

震為衛尉入吳賀孫權踐阼亮與瑾書

孝起忠純之性老而益篤及其贊述東西歡樂和合有可貴者

又

孫松字子喬權弟子為射聲校尉卒亮與瑾書



既受東朝厚遇依依於子弟又子喬良器為之  
惻愴見其所與亮器物感用流涕

味合又百貴者

殷禮字往嗣吳郡雲陽人通占候張溫以  
人蜀亮見嘆曰東吳孤蘆中乃有奇偉如

此人與  
瑾書

殷往嗣秀才今之僑胥者也

又

喬字伯松亮兄瑾之子亮先未  
有子求喬為嗣拜駙馬都尉

喬本當還成都今諸將子弟皆得傳運思惟宜

同榮屏今使喬督五六百兵與諸子弟傳於谷

中君子之行靜以脩才德非澹薄無以

明志又寧靜無以效遠人學欲靜也才欲學也

亮子瞻字思遠建興中亮出武功與  
瑾書瞻後為衛將軍赴鄧艾戰死不能研

瞻今已八歲聰慧可愛嫌其早成恐不為重器

耳







又

夫酒之設合禮致情適體歸性禮終而退此和之至也主意未殫賓有餘倦可以至醉無致於亂

亂者多不效世悲中察風流好何及  
醉劍觀眼不銷豈非手與却醒意與日去夜以  
非學無以觀木非精辨以知學辨則亦不銷無  
則志非寧辨無以寢憂夫寧於心也木於心也  
夫昔千之百辨以何見於心也非辨辨以  
婦子書

誠外生

夫志當存高遠慕先賢絕情欲棄凝滯使庶幾之志揭然有所存惻然有所感忍屈伸去細碎廣咨問除嫌吝雖有淹留何損於美趣何患於不濟若志不彊毅意不慷慨徒碌碌滯於俗默默束於情永竄伏於凡庸不免於下流矣



正議

昔在項羽起不由德雖處華夏秉帝者之勢卒

就湯鑊為後未戒魏不審鑒今次之矣免身為  
幸刑在子孫而二三子各以耆艾之齒承偽指  
而進書有若崇竦稱莽之功亦將偪于元禍苟  
免者邪昔世祖之創迹舊基奮羸卒數千摧莽  
疆旅四十餘萬於昆陽之郊夫據道討淫不在  
衆寡及至孟德以其譎勝之力舉數十萬之師



言葛元本集 卷二  
救張郃於陽平勢窮慮悔僅能自脫辱其鋒銳  
之衆遂喪漢中之地深知神器不可妄獲旋還  
未至感毒而死于桓淫逸繼之以篡縱使二三  
子多逞蘇張詭靡之說奉進驩兜滔天之辭欲  
以誣毀唐帝諷解禹稷所謂徒喪文藻煩勞翰  
墨者矣夫大人君子之所不爲也又軍誠曰萬  
人必死橫行天下昔軒轅氏整卒數萬制四方  
定海內况以數十萬之衆據正道而臨有罪有  
得干礙者哉

### 絕盟好議

權有僭逆之心久矣國家所以畧其釁情者求  
掎角之援也今若加顯絕讐我必深便當移兵  
東戍與之角力湏并其土乃議中原彼賢才尚  
多將相輯穆未可一朝定也頃兵相持坐而湏  
老使北賊得計非策之上者昔孝文卑辭匈奴  
先帝優與吳盟皆應權通變弘思遠益非匹夫  
之爲分者也今議者咸以權利在鼎足不能并  
力且志望已滿無上岸之情推此皆似是而非



也何者其智力不侔故限江自保權之不能越  
江猶魏賊之不能渡漢非力有餘而利不取也  
若大軍致討彼高當分裂其地以爲後規下當  
畧民廣境示武於內非端坐者也若就其不動  
而睦於我我之北伐無東顧之憂河南之衆不  
得盡西此之爲利亦已深矣權僭之罪未宜明  
也

記

黃陵廟記

僕躬耕南陽之畝遂蒙劉氏顧草廬勢不可卻  
計事善之於是情好日密相拉總師趨蜀道履  
黃牛因覩江山之勝亂石排空驚濤拍岸歛巨  
石於江中崔嵬巘岼列作三峯平治泮水順遵  
其道非神扶助於禹人力奚能致此耶僕縱步  
環覽乃見江左大山壁立林麓峯巒如畫熟視  
於大江重復石壁間有神像影現馬鬣髮鬚眉



冠裳宛然如彩畫者前豎一旌旗右駐一黃犢  
 猶有董工開導之勢古傳所載黃龍助禹開江  
 治水九載而功成信不誣也惜乎廟貌廢去使  
 人太息神有功助禹開江不事鑿斧順濟舟航  
 當廟食茲土僕復而與之再建其廟號曰之曰  
 黃牛廟以顯神功

附碑

司馬季主墓碑

晉陳壽

玄漠太寂混合陰陽天地交泮萬品滋彰先生  
 理著分別柔剛鬼神以觀六度顯明郡丞亮早  
 孤從父玄為袁術所署豫章太守玄將亮及亮



當廟食茲土僕復而興之再建其廟號曰之日  
聖著於心柔潤思輒以購大喪醮田

支莫太窳與合創賜天此交半萬品茲漳决主

同馬季主墓

輅

附錄

諸葛亮傳

晉陳壽

諸葛亮字孔明瑯琊陽都人也漢司隸校尉諸  
葛豐後也父珪字君貢漢末爲太山郡丞亮早  
孤從父玄爲袁術所署豫章太守玄將亮及亮  
弟均之官會漢朝更選朱皓代玄玄素與荊州  
牧劉表有舊徃依之

獻帝春秋曰初豫章太守周術病卒劉表上  
諸葛玄爲豫章太守治南昌漢朝聞周術死



言身本集 附錄  
遣周皓代玄皓從揚州太守劉繇求兵擊玄  
玄退屯西城皓入南昌建安二年正月西城  
民反殺玄送首詣繇此書所云與本傳不同  
玄卒亮躬畊隴畝好爲梁父吟

漢晉春秋曰亮家于南陽之鄧縣在襄陽城  
西二十里號曰隆中

身長八尺每自比於管仲樂毅時人莫之許也  
惟博陵崔州平潁川徐庶元直與亮友善謂爲  
信然

按崔氏譜州平太尉列子均之弟也 魏畧  
曰亮在荊州以建安初與潁川石廣元徐元  
直汝南孟公威等俱游學三人務於精熟而  
亮獨觀其大畧每晨夜從容常抱膝長嘯而  
謂三人曰卿三人仕進可至刺史郡守也三  
人問其所至亮但笑而不言後公威思鄉里  
欲北歸亮謂之曰中國饒士丈夫遨遊何必  
故鄉邪 臣松之以爲魏畧此言謂諸葛亮  
爲公威計者可也若謂兼爲已言可謂未達



其心矣以諸葛亮之鑒識豈不能自審其分乎夫其高吟俟時情見乎言志氣所存固已定於其始矣若使游步中華騁其龍光誠非陳長文司馬仲達所能頡頏而况於餘哉苟不患功業不就道之不行雖志恢宇宙而終不北向者蓋以權御已移漢祚將傾方將翊贊宗傑以興微繼絕克復爲已任故也豈其區區利在邊鄙而已乎此相如所謂鷦鷯已翔於遼廓而羅者猶視於藪澤者矣公威名建在魏亦貴達

時先主屯新野徐庶見先主先主噐之謂也主曰諸葛孔明者卧龍也將軍豈願見之乎襄陽記曰劉備訪世事於司馬德操德操曰儒生俗士豈識時務識時務者在乎俊傑此間自有伏龍鳳雛備問爲誰曰諸葛孔明龐士元也

先主曰君與俱來庶曰此人可就見不可屈致也將軍宜枉駕顧之由是先主遂詣亮凡三往



乃見因屏人曰漢室傾頽姦臣竊命主上蒙塵  
孤不度德量力欲信大義於天下而智術淺短  
遂用猖獗至於今日然志猶未已君謂計將安  
出亮答曰自董卓已來豪傑並起跨州連郡者  
不可勝數曹操比於袁紹則名微而衆寡然操  
遂能克紹以弱爲強者非惟天命抑亦人謀也  
今操已擁百萬之衆挾天子以令諸侯此誠不  
可與爭鋒孫權據有江東已歷三世國險而民  
附賢能爲之用此可以爲援而不可圖也荊州  
北據漢沔利盡南海東連吳會西通巴蜀此用  
武之國而其主不能守此殆天所以資將軍將  
軍豈有意乎益州險塞沃野千里天府之士高  
祖因之以成帝業劉璋闇弱張魯在北民殷國  
富而不知存恤智能之士思得明君將軍旣帝  
室之胄信義著於四海總攬英雄思賢如渴若  
跨有荆益保其巖阻西和諸戎南撫夷越外結  
好孫權內脩政理天下有變則命一上將將荆  
州之軍以向宛洛將軍身率益州之衆以出秦



川百姓孰敢不簞食壺漿以迎將軍者乎誠如是則霸業可成漢室可興矣先主曰善於是與亮情好日密關羽張飛等不悅先主解之曰孤之有孔明猶魚之有水也願諸君勿復言羽飛乃止

魏畧曰劉備屯於樊城是時曹公方定河北亮知荊州次當受敵而劉表性緩不曉軍事亮乃北行見備備與亮非舊又以其年少以諸生意待之坐集既畢衆賓皆去而亮獨留備亦不問其所欲言備性好結昵時適有人以髦牛尾與備者備因手自結之亮乃進曰明將軍當復有遠志但結昵而已邪備知亮非常人也乃投昵而言曰是何言與我聊以忘憂耳亮遂言曰將軍度劉鎮南孰與曹公邪備曰不及亮又曰將軍自度何如也備曰亦不如曰今皆不及而將軍之衆不過數千人以此待敵得無非計乎備曰我亦愁之當若之何亮曰今荊州非少人也而著籍者寡



平居發調則人心不悅可語鎮南令國中凡有游戶皆使自實因錄以益衆可也備從其計故衆遂強備由此知亮有英畧乃以上客禮之九州春秋所言亦如之臣松之以爲亮表云先帝不以臣卑鄙猥自枉屈三顧臣於草廬之中諮臣以當世之事則非亮先詣備明矣雖聞見異辭各生彼此然垂背至是亦良爲可怪

劉表長子琦亦深器亮表受後妻之言愛少子琮不悅於琦琦每欲與亮謀自安之術亮輒拒塞未與處畫琦乃將亮游觀後園共上高樓飲宴之間令人去梯因謂亮曰今日上不至天下不至地言出于口入於吾耳可以言未亮答曰君不見申生在內而危重耳在外而安乎琦意感悟陰規出計會黃祖死得出遂爲江夏太守俄而表卒琮聞曹公來征遣使請降先主在樊聞之率其衆南行亮與徐庶並從爲曹公所追破獲庶母庶辭先主而指其心曰本欲與將軍



共圖王霸之業者以此方寸之地也今已失老  
母方寸亂矣無益於事請從此別遂詣曹公  
魏畧曰庶先名福本單家子少好任俠擊劍  
中平末嘗爲人報讐白聖突面被髮而走爲  
吏所得問其姓名閉口不言吏乃於車上立  
柱維礫之擊鼓以令於市鄆莫敢識者而其  
黨伍共篡解之得脫於是感激棄其刀戟更  
疎巾單衣折節學問始詣精舍諸生聞其前  
作賊不肯與共止福乃卑躬早起常獨掃除  
動靜先意聽習經業義理精熟遂與同郡石  
韜相親愛初平中中州兵起乃與韜南客荆  
州到又與諸葛亮特相善及荆州內附孔明  
與劉備相隨去福與韜俱來北至黃初中韜  
仕歷郡守典農校尉福至右中郎將御史中  
丞逮大和中諸葛亮出隴右聞元直龐士元  
財如北歎曰魏殊多士邪何彼二人不見用  
乎庶後數年病卒有碑在彭城今猶存焉  
先主至於夏口亮曰事急矣請奉命求救於孫



將軍時權擁軍在柴桑觀望成敗亮說權曰海  
內大亂將軍起兵據有江東劉豫州亦收衆漢  
南與曹操並爭天下今操芟夷大難畧已平矣  
遂破荊州威震四海英雄無所用武故豫州遁  
逃至此將軍量力而處之若能以吳越之衆與  
中國抗衡不如早與之絕若不能當何不案兵  
束甲北面而事之今將軍外託服從之名而內  
懷猶豫之計事急而不斷禍至無日矣權曰苟  
如君言劉豫州何不遂事之乎亮曰田橫齊之  
壯士耳猶守義不辱况劉豫州王室之胄英才  
蓋世衆士慕仰若水之歸海若事之不濟此乃  
天也安能復爲之下乎權勃然曰吾不能舉全  
吳之地十萬之衆受制於人吾計決矣非劉豫  
州莫可以當曹操者然豫州新敗之後安能抗  
此難乎亮曰豫州軍雖敗於長阪今戰士還者  
及關羽水軍精甲萬人劉琦合江夏戰士亦不  
下萬人曹操之衆遠來疲弊聞追豫州輕騎一  
日一夜行三百餘里此所謂強弩之末勢不能



言身本集 附錄  
穿魯縞者也故兵法忌之曰必厥上將軍且北方之人不習水戰又荊州之民附操者偏兵勢耳非心服也今將軍誠能命猛將統兵數萬與豫州協規同力破操軍必矣操軍破必北還如此則荆吳之勢彊鼎足之形成矣成敗之機在於今日權大悅卽遣周瑜程普魯肅等水軍三萬隨亮詣先主并力拒曹公

袁子曰張子布薦亮於孫權亮不肯留人問其故曰孫將軍可謂人主然觀其度能賢亮而不能盡亮吾是以不留 臣松之以爲袁孝尼著文立論甚重諸葛之爲人至如此言則失之殊遠觀亮君臣相遇可謂希世一時終始之分誰能間之寧有中違斷金甫懷擇主設使權盡其量便當翻然去就乎葛生行已豈其然哉

曹公敗于赤壁引軍歸鄴先主遂收江南以亮爲軍師中郎將使督零陵桂陽長沙三郡調其賦稅以充軍實



零陵先賢傳云亮時任臨蒸

建安十六年益州牧劉璋遣法正迎先主使擊張魯亮與關羽鎮荊州先主自葭萌還攻璋亮與張飛趙雲等率衆泝江分定郡縣與先主共圍成都成都平以亮爲軍師將軍署左將軍府事先主外出亮常鎮守成都足食足兵二十六  
年群下勸先主稱尊號先主未許亮說曰昔吳漢眇弇等初勸世祖卽帝位世祖辭讓前後數四耿純進言曰天下英雄喁喁冀有所望如不從議者士大夫各歸求主無爲從公也世祖感純言深至遂然諾之今曹氏篡漢天下無主大王劉氏苗族紹世而起今卽帝位乃其宜也士大夫隨大王久勤苦者亦欲望尺寸之功如純言耳先主於是卽帝位策亮爲丞相曰朕遭家不造奉承大統兢兢業業不敢康寧思靖百姓懼未能綏於戲丞相亮其悉朕意無怠輔朕之闕助宣重光以照明天下君其勗哉亮以丞相錄尚書事假節張飛卒後領司隸校尉



蜀記曰晉初扶風王駿鎮關中司馬高平劉寶長史熒陽桓隰諸官屬士大夫共論諸葛亮于時譚者多譏亮託身非所勞困蜀民力小謀大不能度德量力金城郭冲以爲亮權智英畧有踰管晏功業未濟論者惑焉條亮五事隱沒不聞於世者寶等亦不能復難扶風王慨然善冲之言 臣松之以爲亮之異美誠所願聞然冲之所說實皆可疑謹隨事難之如左其一事曰亮刑法峻急刻剥百姓

自君子小人咸懷怨歎法正諫曰昔高祖入關約法三章秦民知德今君初有其國未垂惠撫且客主之義宜相降下願緩刑弛禁以慰其望亮答曰君知其一未知其二秦以無道政苛民怨匹夫大呼天下土崩高祖因之可以弘濟劉璋暗弱自焉已來有累世之恩文法羈縻互相承奉德政不舉威刑不肅蜀士人士專權自恣君臣之道漸以陵替寵之以位位極則賤順之以恩恩竭則慢所以致



弊實由於此吾今威之以法法行則知恩限  
之以爵爵加則知榮榮恩並濟上下有節爲  
治之要於斯而著難曰案法正在劉主前死  
今稱法正諫則劉主在也諸葛職爲股肱事  
歸元首劉主之世亮又未領益州慶賞刑政  
不出於已尋冲所述亮答專自有其能有違  
人臣自處之宜以亮謙順之體殆必不然又  
云亮刑法峻急刻剝百姓未聞善政以刻剝  
爲稱其二事曰曹公遣刺客見劉備方得交  
接開論伐魏形勢甚合備計稍欲親近刺者  
尚未得便會旣而亮入魏客神色失措湏臾  
客如廁備謂亮曰向得奇士足以助君補益  
亮徐歎曰觀客色動而神懼視低而忤數奸  
形外漏邪心內藏必曹氏刺客也追之已越  
牆而走難曰凡爲刺客皆暴虎馮河死而無  
悔者也劉主有知人之鑒而惑於此客則此  
客亦一時之奇士也又語諸葛云足以助君  
補益則亦諸葛之流亞也凡如諸葛之儔鮮



有爲人作刺客者矣時主亦當惜其器用必不投之死地也且此人不死要應顯達爲魏竟是誰乎何其寂蔑而無聞

章武三年春先主於永安病篤召亮於成都屬以後事謂亮曰君才十倍曹丕必能安國終定大事若嗣子可輔輔之如其不才君可自取亮涕泣曰臣敢竭股肱之力効忠貞之節繼之以死先主又爲詔勅後主曰汝與丞相從事事之如父

建興元年封亮武鄉侯開府治事頃之又領益州牧政事無巨細咸決於亮南中諸郡並皆叛亂亮以新遭大喪故未便加兵且遣使聘吳因結和親遂爲與國

亮集曰是歲魏司徒華歆司空王朗尚書令陳群太史令許芝謁者僕射諸葛璋各有書與亮陳天命人事欲使舉國稱藩亮遂不報書作正議

三年春亮率衆南征



詔賜亮金鈇鉞一具曲蓋一前後羽葆鼓吹各一部虎賁六十人

其秋悉平軍資所出國以富饒

漢晉春秋曰亮在南中所在戰捷聞孟獲者爲夷漢並所服募生致之旣得使觀於營陣之間問曰此軍何如獲對曰向者不知虛實故敗今蒙賜觀看營陣若祇如此卽定易勝耳亮笑縱使更戰七縱七禽而亮猶遣獲獲止不去曰公天威也南人不復反矣遂至滇池南中平皆卽其渠率而用之或以諫亮亮曰若留外人則當留兵兵留則無所食一不易也加夷新傷破父兄死喪留外人而無兵者必成禍患二不易也又夷累有廢殺之罪自嫌釁重若留外人終不相信三不易也今吾欲使不留兵不運糧而綱紀粗定夷漢粗安故耳

乃治戎講武以俟大舉五年率諸軍北駐漢中臨發上疏遂行屯于沔陽



郭冲三事曰亮屯于陽平遣魏延諸軍并兵東下亮惟留萬人守城晉宣帝率二十萬衆拒亮而與延軍錯道徑至前當亮六十里所偵候白宣帝說亮在城中兵少力弱亮亦知宣帝垂至已與相偪欲前赴延軍相去又遠回迹反追勢不相及將士失色莫知其計亮意氣自若勅軍中皆卧旗息鼓不得妄出菴幔又令大開四城門掃地却洒宣帝常謂亮持重而猥見勢弱疑其有伏兵於是引軍北趣山明日食時亮謂參佐拊手大笑曰司馬懿必謂吾怯將有彊伏循山走矣候邏還白如亮所言宣帝後知深以爲恨難曰按陽平在漢中亮初屯陽平宣帝尚爲荊州都督鎮宛城至曹真死後始與亮於關中相抗禦耳魏嘗遣宣帝自宛由西城伐蜀值霖雨不果此之前後無復有於陽平交兵事就如冲言宣帝旣舉二十萬衆已知亮兵少力弱若疑其有伏兵正可設防持重何至便走乎按魏



延傳云延每隨亮出輒欲請精兵萬人與亮異道會于潼關亮制而不許延常謂亮爲怯歎已才用之不盡也亮尚不以延爲萬人別統豈得如冲言頃使將重兵在前而以輕弱自守乎且冲與扶風王言顯彰宣帝之短對子毀父理所不容而云扶風王慨然善冲之言故知此書舉引皆虛

六年春揚聲由斜谷道取郿使趙雲鄧芝爲疑軍據箕谷魏大將軍曹真舉衆拒之亮身率諸軍攻祁山戎陣整齊賞罰肅而號令明南安天水安定三郡叛魏應亮關中響震

魏畧曰始國家以蜀中惟有劉備備旣死數歲寂然無聞是以畧無備預而卒聞亮出朝野恐懼隴右祁山尤甚故三郡同時應亮魏明帝西鎮長安命張郃拒亮亮使馬謖督諸軍在前與郃戰于街亭謖違亮節度舉動失宜大爲郃所破亮拔西縣千餘家還于漢中郭冲四事曰亮出祁山隴西南安二郡應時



降圍天水拔冀城虜姜維驅畧士女數千人  
還蜀人皆賀亮亮顏色愀然有戚容謝曰普  
天之下莫非漢民國家威力未舉使百姓困  
於豺狼之吻一夫有死皆亮之罪以此相賀  
能不爲愧於是蜀人咸知亮有吞魏之志非  
惟拓境而已

戮諛以謝衆上疏請自貶於是亮爲右將軍  
行丞相事所總統如前

漢晉春秋曰或勸亮更發兵者亮曰大軍在  
祁山箕谷皆多於賊而不能破賊爲賊所破  
者則此病不在兵少也在一人耳今欲減兵  
省將明罰思過校變通之道於將來若不能  
然者雖兵多何益自今已後諸有忠慮於國  
但勤攻吾之闕則事可定賊可死功可躋足  
而待矣於是考微勞甄烈壯引咎責躬布所  
失於天下厲兵講武以爲後圖戎士簡練民  
忘其敗矣亮聞孫權破曹休魏兵東下關中  
虛弱十一月上言出師其臥之亮歎蓋而數



冬亮復出散關圍陳倉曹真拒之亮糧盡而還  
魏將王雙率騎追亮亮與戰破之斬雙七年亮  
遣陳式攻武都陰平魏雍州刺史郭淮率衆欲  
擊式亮自出至建威淮退還遂平二郡詔策亮  
曰街亭之後咎由馬謖而君引愆深自貶抑重  
違君意聽順所守前年耀師馘斬王雙今歲爰  
征郭淮遁走降集氐羌興復二郡威震凶暴功  
勲顯然方今天下騷擾元惡未梟君受大任幹  
國之重而又自挹損非所以光揚洪烈矣今復  
君丞相君其勿辭

漢晉春秋曰是歲孫權稱尊號其群臣以並  
尊二帝來告議者咸以爲交之無益而名體  
弗順宜顯明正義絕其盟好亮謂宜與吳盟  
乃遣衛尉陳震慶權正號

九年亮復出祁山以木牛運

漢晉春秋曰亮圍祁山招鮮卑軻比能比能  
等至故北地石城以應亮於是魏大司馬曹  
真有疾司馬宣王自荊州入朝魏明帝曰西



方事重非君莫可付者乃使西屯長安督張  
郃費曜戴陵郭淮等宣王使曜陵留精兵四  
千守上邽餘衆悉出西救祁山郃欲分兵駐  
雍郃宣王曰料前軍能獨當之者將軍言是  
也若不能當而分爲前後此楚之三軍所以  
爲黥布禽也遂進亮分兵留攻自逆宣王于  
上邽郭淮費曜等徼亮亮破之因大芟刈其  
麥與宣王遇于上邽之東歛兵依險軍不得  
交亮引而還宣王尋亮至于鹵城張郃曰彼  
遠來逆我我請戰不得謂我利在不戰欲以  
長計制之也且祁山知大軍以在近人情自  
固可止屯於此分爲奇兵示出其後不宜進  
前而不敢偏坐失民望也今亮縣軍食少亦  
行去矣宣王不從故尋亮旣至又登山掘營  
不肯戰賈栩魏平數請戰因曰公畏蜀如虎  
柰天下笑何宣王病之諸將咸請戰五月辛  
巳乃使張郃攻無當監何平於南圍自按中  
道向亮亮使魏延高翔吳班赴拒大破之獲



甲首三千級玄鎧五千領角弩三千一百張  
宣王還保營

糧盡退軍與魏將張郃交戰射殺郃

郭冲五事曰魏明帝自征蜀幸長安遣宣王  
督張郃諸軍雍涼勁卒三十餘萬潛軍密進  
規向劔閣亮時在祁山旌旗利器守在險要  
十二更下在者八萬時魏軍始陳幡兵適交  
參佐咸以賊衆強盛非力所制宜權停下兵  
一月以并聲勢亮曰吾統武行師以大信爲

本得原失信古人所惜去者束裝以待期妻  
子鶴望而計日雖臨征難義所不廢皆催遣  
令去於是去者感悅願留一戰住者憤踊思  
致死命相謂曰諸葛公之恩死猶不報也臨  
戰之日莫不拔刃爭先以一當十殺張郃却  
宣王一戰大剋此信之由也

十二年春亮悉大衆由斜谷出以流馬運據武  
功五丈原與司馬宣王對於渭南亮每患糧不  
繼使已志不伸是以分兵屯田爲久住之基耕



者雜於渭濱居民之間而百姓安堵軍無私焉  
漢晉春秋曰亮自至數挑戰宣王亦表固請  
戰使衛尉辛毗持節以制之姜維謂亮曰辛  
佐治仗節而到賊不復出矣亮曰彼本無戰  
情所以固請戰者以示武於其衆耳將在軍  
君命有所不受苟能制吾豈千里而請戰邪  
魏氏春秋曰亮使至問其寢食及其事之煩  
簡不問戎事使對曰諸葛公夙興夜寐罰二  
十以上皆親擊馬所噉食不至數升宣王曰

亮將死矣

相持百餘日其年八月亮疾病卒于軍時年五  
十四

魏書曰亮糧盡勢窮憂恚嘔血一夕燒營遁  
走入谷道發病卒 漢晉春秋曰亮卒于郭  
氏塢 晉陽秋曰有星赤而芒角自東北西  
南流投于亮營三投再還徃大還小俄而亮  
卒 臣松之以爲亮在渭濱魏人躡跡勝負  
之形未可測量而云嘔血蓋因亮自亡而自



誇大也夫以孔明之畧豈爲仲達嘔血乎及至劉琨喪師與晉元帝箋亦云亮軍敗嘔血此則引虛記以爲言也其云入谷而卒緣蜀人入谷發喪故也

及軍退宣王案行其營壘處所曰天下奇才也漢晉春秋曰楊儀等整軍而出百姓奔告宣王宣王追焉姜維令儀反旗鳴鼓若將向宣王者宣王乃退不敢逼於是儀結陣而去入谷然後發喪宣王之退也百姓爲之嘖曰死諸葛走生仲達或以告宣王宣王曰吾能料生不便料死也

亮遺命葬漢中定軍山因山爲墳冢足容棺歛以時服不須噐物詔策曰惟君體資文武明叡篤誠受遺託孤匡輔朕躬繼絕興微志存靖亂爰整六師無歲不征神武赫然威震八荒將建殊功於季漢參伊周之巨勲如何不弔事臨垂克邁疾隕喪朕用傷悼肝心若裂夫崇德序功紀行命謚所以光昭將來刊載不朽今使使持



節左中郎將杜瓊贈君丞相武鄉侯印綬謚君  
爲忠武侯魂而有靈嘉茲寵榮嗚呼哀哉嗚呼  
哀哉初亮自表後主不別治生及卒如其所言  
亮性長於巧思損益連弩木牛流馬皆出其意  
推演兵法作八陣圖咸得其要云

魏氏春秋曰亮作八務七戒六恐五懼皆有  
條章以訓厲臣子又損益連弩謂之元戎以  
鐵爲矢矢長八寸一弩十矢俱發 亮集載  
作木牛流馬法曰木牛者方腹曲頭一脚四

足頭入領中舌著於腹載多而行少宜可大  
用不可小使特行者數十里群行者二十里  
也曲者爲牛頭雙者爲牛脚橫者爲牛領轉  
者爲牛足覆者爲牛背方者爲牛腹垂者爲  
牛舌曲者爲牛肋刻者爲牛齒立者爲牛角  
細者爲牛鞅攝者爲牛鞅軸牛仰雙轅人行  
六尺牛行四步載一歲糧日行二十里而人  
不大勞流馬尺寸之數肋長三尺五寸廣三  
寸厚二寸二分左右同前軸孔分墨去頭四



寸徑中二寸前脚孔分墨二寸去前軸孔四寸五分廣一寸前杠孔去前脚孔分墨二寸七分孔長二寸廣一寸後軸孔去前杠分墨一尺五分大小與前同後脚孔分墨去後軸孔三寸五分大小與前同後杠孔去後脚孔分墨二寸七分後載剋去後杠孔分墨四寸五分前杠長一尺八寸廣二寸厚一寸五分後杠與等板方囊二枚厚八分長二尺七寸高一尺六寸五分廣一尺六寸每枚受米二斛三斗從上杠孔去肋下七寸前後同上杠孔去下杠孔分墨一尺三寸孔長一寸五分廣七分八孔同前後四脚廣二寸厚一寸五分形制如象軒長四寸徑面四寸三分孔徑中三脚杠長二尺一寸廣一寸五分厚一寸四分同杠耳

亮言教書奏多可觀別爲一集景耀六年春詔爲亮立廟於沔陽

襄陽記曰亮初亡所在各求爲立廟朝議以



禮秩不聽百姓遂因時節私祭之於道陌上  
言事者或以爲可聽立廟於成都者後主不  
從步兵校尉習隆中書郎向充等共上表立  
祠沔陽斷其私祀以崇正禮於是始從之  
秋魏鎮西將軍鍾會征蜀至漢川祭亮之廟令  
軍士不得於亮墓所左右芻牧樵採亮弟均官  
至長水校尉亮子瞻嗣爵

襄陽記曰黃承彥者高爽開列爲沔南名士  
謂諸葛孔明曰聞君擇婦身有醜女黃頭黑  
色而才堪相配孔明許卽載送之鄉里爲之  
諺曰莫作孔明擇婦止得阿承醜女

評曰諸葛亮之爲相國也撫百姓示儀軌約官  
職從權制開誠心布公道盡忠益時者雖讎必  
賞犯法怠慢者雖親必罰服罪輸情者雖重必  
釋游辭巧飭者雖輕必戮善無微而不賞惡無  
纖而不貶庶事精練物理其本循名責實虛僞  
不齒終於邦域之內咸畏而愛之刑政雖峻而  
無怨者以其用心平而勸戒明也可謂識治之



良才管蕭之亞匹矣

蜀諸葛丞相祠堂碑

唐裴公度

度嘗讀舊史詳求往哲或秉事君之節無開國之才得立身之道無治人之術四者備矣兼而行之卽蜀丞相諸葛公其人也公本系在簡策大名蓋天地不復以云當漢祚衰陵人心競逐取威定霸者求賢而不及藏器在身者擇主而後動公是時也躬耕南陽自比管樂我未從虎時稱卧龍詩曰潛雖伏矣亦孔之炤故州平心與元直神交洎乎三顧而許以驅馳一言而定



其機勢繇是翼扶劉氏纘承舊服結吳抗魏擁  
蜀稱漢刑政達乎荒外道化行于域中誰謂阻  
深殷爲強國誰謂蓬脆勵爲勁兵則知地無常  
形人無常性自我而作若金在鎔故九州之地  
魏有其七我無其一由僻陋而啟雄圖出封疆  
以延大敵財用足而不曰浚我以生干戈動而  
不曰殘人以逞其底定南方也不以力制而取  
其心服震諸夏也不敢角其勝負而止候其存  
亡法加于人也雖徒死而無怨德及於人也雖  
奕葉而見思此所謂精義入神自誠而明者矣  
若其人存其政舉則四海可平五服可傾而陳  
壽之評未極其能事崔浩之說又詰其成功此  
皆以變詐之畧論節制之師以進取之方語化  
成之道不其謬歟夫委棄荊州不能遂有三郡  
此乃務增德以吞宇宙不黷武以爭尋常及出  
斜谷據武功分兵屯田爲久駐之計與敵對壘  
待可勝之期雜乎居人如適虛邑彼則喪氣我  
方養威若天假之年則繼大漢之祀成先王之



志不難矣且權傾一國聲震八紘而上下無異  
詞始終無愧色苟非運膺五百道冠生知曷以  
臻於此乎故玄德知人之明者倚仗曰魚之有  
水仲達姦人之雄者嗟稱曰天下奇才度每迹  
其行事度其遠心願奮短札以排群議而文字  
蚩鄙日日未果元和二年冬十月聖上以西南  
輿區寇亂餘烈罷毗未息汙俗未清輟我股肱  
爲之父母乃詔相國臨淮公由秉鈞之重乘推  
轂之寄戎軒乃降藩服乃理將明帝道陬落綏  
懷溥暢仁風閭閻滋殖府中無留事宇下無棄  
財人知嚮方我有餘地則諸葛公在昔之治與  
相國當今之政異代而同塵矣度謬以庸薄獲  
參管記陪旌旄而爰止望祠宇而脩謁有儀可  
象以赫厥靈雖徼烈不忘而碑表未立古者或  
拳拳一善或師長一城尚流斯文以示來裔况  
如在之嘆終古不絕其可闕乎乃刻貞石庶此  
都之人存必拜之感云爾銘曰

昔在先主思啟疆宇擾攘靡依英雄無輔爰得



武侯先定蜀土道德城池禮義干櫓煦物如春  
化人如神勞而不怨用之有倫柔服蠻落鋪敦  
渭濱攝跡畏威雜居懷仁中原旰食不測不克  
以待可勝允臻其極天未悔禍公命不果漢祚  
其亡將星中墮反旗鳴鼓猶走司馬死而可作  
當小天下尚父作周阿衡佐商兼齊管晏總漢  
蕭張易代而生易地而理遭遇風約亦皆然矣  
嗚呼奇謀奮發美志天遏吁嗟嚴立咸受謫罰  
聞之痛之或泣或絕甘棠勿翦駢邑斯奪繇是  
而言殊途共轍本於忠恕孰不感悅苟非誠懿  
徒云固結古栢森森遺廟沉沉不殄禋祀以迄  
于今靡不駿奔若有照臨蜀國之風蜀人之心  
錦江清波玉壘峻岑入海際天如公德音曷廟  
者其地于茲乎十朋蒞事之初謁焉裴回四顧  
敬想風烈歎廟貌之不稱它事未皇也首葺而  
新之且書其事于石矣然地卑巷隘泥以民居  
汙渠糞壤溷乎其間臭朽之所蒸蝸蟻之所家  
非所以妥靈而崇祠也門之東去祠一百八十



武侯先定蜀土道德城池禮義千楹煦物如春  
化人如神勞而不怨用之有倫柔服蠻落鋪敦  
涓濱攝跡畏威維屏懷仁中原旰食不測不克  
以待可勝允臻其極天未悔禍公命不果漢祚  
其亡將星中墮反旗鳴鼓猶走司馬死而可作  
臨山青嶽正壘劍峯入武烈天破公斷背總漢  
于今輒不翅奔昔昔照胡國之風異人之心  
我云回茲古跡森森貴廟武武不令野味以豕  
而言糗食共爓本付忠感慕不烈烈昔非媿繼

移建武侯祠記

宋王十朋

武侯故祠在州之南門泂城而西三十六步無  
斷碑遺刻以考其歲月之始見于圖經者畧焉  
在隋唐時治白帝史載少陵詩曰西郊諸葛廟  
者其地于茲乎十朋蒞事之初謁焉襄回四顧  
敬想風烈歎廟貌之不稱它事未皇也首葺而  
新之且書其事于石矣然地卑巷隘混以民居  
汙渠糞壤溷乎其間臭朽之所蒸蝸蟻之所家  
非所以妥靈而崇祠也門之東去祠一百八十



五步城有臺下臨八陣圖登臺而望則常山之  
虵四頭銜尾之勢宛其在目北直郡倉倉故永  
安宮也據爽塏狀如屏宮之北有水曰清瀼瀼  
出乎兩山之間東入於江又東過灑瀨入于峽  
峽口有山卓然立乎羣峰之外者白鹽也可謂  
江山之勝矣侯昔經營天下於平沙之上輸忠  
盡誠受遺立孤於是宮之中江流洶而石如故  
宮闕廢而地猶存陵谷雖變而精神不亡宜於  
兩者之間祠之亦侯志也遂謀而遷焉地初爲  
節度推官宅徙于它所因其址築而高之用其  
材斲而新之爲堂五楹廡萬椽南門于臺又門  
於西通往來之道像仍其舊新厥丹青冕服用  
侯又塑關張像翼于左右故祠以婦配非禮也  
別爲室以奉之書史傳于壁之左而削其不公  
之論書少陵詩于壁之右以諸作者詩文次之  
乾道三年四月壬午告成詞曰

白鹽峙天兮灑瀨屹江風雲慘澹兮翱翔卧龍  
龍千秋兮何之新廟貌兮江之湄前八陣兮後



故宮龍兮龍兮神其中望昭烈兮隔清瀼遺廟  
 存兮交精神於恍惚駕虛空兮雲為馭臣東朝  
 兮主西顧魚得水而相忘兮事無今古儼關張  
 於左右兮一龍二虎祠有新故兮侯無重輕舍  
 其故而新是卜兮邦人之情祠合于圖兮自今  
 始事祀不絕兮有如此水

與諸葛丞相牋

蜀漢劉琰

琰與魏延不和亮責讓之琰謝以牋亮遣還成都官位如故

琰稟性空虛本薄操行加有酒荒之病自先帝  
 以來紛紛之論殆將傾覆頗蒙明公本其一心  
 在國原其身中穢垢扶持全濟致其祿位以至  
 今日間者迷醉言有違錯慈恩含忍不致之於  
 理使得全完保育性命雖必克已責躬改過投  
 死以誓神靈無所用命則靡寄顏



與諸葛丞相書

蜀漢馬謖

明公視謖猶子謖視明公猶父願深惟殛鯨與  
禹之義使平生之交不虧於此謖雖死無恨於  
黃壤也

與諸葛公書

蜀漢馬良

先王領荊州辟良為從事及入事兼冀然  
蜀亮亦從往良留荊州與亮書

聞雒城已拔此天祚也尊兄應期贊世配業光  
國魄兆見矣夫變用雅慮審貴垂明於以簡才  
宜適其時若乃和光悅遠邁德天壤使時閑於  
聽世服於道齊高妙之音正鄭衛之聲竝利於  
事無相奪倫此乃管絃之至牙曠之調也雖非  
鍾期敢不擊節



樂對邪心首濟高少之

宜獻其報昔以味光妙鼓蕙蕙天樂對報閑外

國顯兆貝矣夫變用報憲審貴垂明以簡本

聞豁然已於此天亦少尊只熟其贊世晒業光

備亮亦於卦身留附州與亮書  
武王酌附州報身為於事其人

### 與諸葛公書

備亮書

### 獄中與諸葛公書

蜀漢彭萊

先主領益州牧拔萊為治中從事萊囂然  
自矜亮屢密言先主萊心大志廣難可保  
安先主左遷萊江陽太守萊不悅詣馬超  
謂先主老革荒悖又謂超卿為其外我為  
其內天下不難定也超大驚懼退表萊  
辭收付有司萊於獄中與亮書竟誅死

僕昔有事于諸侯以為曹操暴虐孫權無道振

威闇弱其惟主公有霸王之器可與興業致治

故乃翻然有輕舉之志會公來西僕因法孝直

自銜鬻龐統斟酌其間遂得詣公於葭萌指掌

而譚論治世之務講霸王之義建取益州之策



公亦宿慮明定卽相然贊遂舉事焉僕於故州不免凡庸憂於罪罔得遭風雲激矢之中求君得君志行名顯從布衣之中擢爲國士盜竊茂才分子之厚誰復過此兼一朝狂悖自求菹醢爲不忠不義之鬼乎先民有言左手據天下之圖右手刎咽喉愚夫不爲也况僕頗別菽麥者哉所以有怨望意者不自度量苟以爲首興事業而有投江陽之論不解主公之意倉卒感激頗以被酒俛失老語此僕之下愚薄慮所致主

公實未老也且夫立業豈在老少西伯九十寧有衰志負我慈父罪有百死至於內外之言欲使孟起立功北州戮力主公共討曹操耳寧敢有他志邪孟起說之是也但不分別其間痛人心耳昔每與龐統共相誓約庶託足下末蹤盡心于主公之業追名古人載勲竹帛統不幸而死僕敗以取禍自我墜之將復誰怨足下當世伊呂也宜善與主公計事濟其大猷天明地察神祇有靈復何言哉貴使足下明僕本心耳行



諸葛丞相集 附錄  
三十五  
矣努力自愛自愛

進諸葛亮集表

晉陳壽

臣壽等言臣前在著作郎侍中領中書監濟北侯臣荀勗中書令關內侯臣和嶠奏使臣定故蜀丞相諸葛亮故事亮毗佐危國負阻不賓然猶存錄其言耻善有遺誠是大晉光明至德澤被無疆自古已來未之有倫也輒刪除複重隨類相從凡爲二十四篇篇名如右亮少有逸群之才英霸之器身長八尺容貌甚偉時人異焉遭漢末擾亂隨叔父玄避難荊州躬耕于野不



求聞達時左將軍劉備以亮有殊量乃三顧亮於草廬之中亮深謂備雄姿傑出遂解帶寫誠厚相結納及魏武帝南征荊州劉琮舉州委質而備失勢衆寡無立錐之地亮時年二十七乃建奇策身使孫權求援吳會權旣宿服仰備又器亮奇雅甚敬重之卽遣兵三萬人以助備備得用與武帝交戰大破其軍乘勝克捷江南悉平後備又西取益州益州旣定以亮爲軍師將軍備稱尊號拜亮爲丞相錄尚書事及備殂沒嗣子幼弱事無巨細亮皆專之于是外連東吳內平南越立法施度整理戎旅工械技巧物究其極科教嚴明賞罰必信無惡不懲無善不顯至于吏不容奸人懷自厲道不拾遺疆不侵弱風化肅然也當此之時亮之素志進欲龍驤虎視包括四海退欲跨陵邊疆震蕩宇內又自以爲無身之日則未有能蹈涉中原抗衡上國者是以用兵不戢屢耀其武然亮才于治戎爲長奇謀爲短理民之幹優于將畧而所與對敵或



值人傑加衆寡不侔攻守異體故雖連年動衆未能有克昔蕭何薦韓信管仲舉王子城父皆忖已之長未能兼有也亮之器能政理抑亦管蕭之亞匹也而時之名將無城父韓信故功業陵遲大義不及邪蓋天命有歸不可以智力爭也青龍二年春亮帥衆出武功分兵屯田爲久駐之基其秋病卒黎庶追思以爲口實至今梁益之民咨述亮者言猶在耳雖甘棠之詠召公鄭人之歌子產足以遠譬也孟軻有云以逸道使民雖勞不怨以生道殺人雖死不忿信矣論者或怪亮文彩不豔而過於丁寧周至臣愚以爲咎繇大賢也周公聖人也考之尚書咎繇之謦畧而雅周公之誥煩而悉何則咎繇與舜禹共謦周公與群下矢誓故也亮所與言盡衆人凡士故其文指不及得遠也然其聲教遺言皆經事綜物公誠之心形于文墨足以知其人之意理而有補於當世伏惟陛下邁蹤古聖蕩然無忌故雖敵國誹謗之言咸肆其辭而無所革



諱所以明大通之道也

諸葛丞相贊

蜀漢楊戲

忠武英高獻策江濱舉吳連蜀權我世真受遺  
阿衡整武齊文敷陳德教理物移風賢愚競心  
僉忘其身誕靜邦內四裔以綏屢臨敵庭實耀  
其威精研大國恨於未夷



諸葛武侯宅銘

晉習鑿齒

達人作振此頽風雕薄蔚采鳴闌唯豐義範  
蒼生道格時雄自昔爰止於焉盤桓躬耕西畝  
永嘯東巒迹逸中林神凝巖端罔窺其奧誰測  
斯歡堂堂偉匠婉翮揚朝傾巖搜寶高羅九霄  
慶雲集矣鸞駕亦招

三國名臣贊畧

晉袁宏

孔明盤桓俟時而動遐想管樂遠明風流治國  
以禮民無怨聲刑罰不濫沒有餘泣雖古之遺  
愛何以加茲及其臨終顧託受遺作相劉后授  
之無疑心武侯處之無懼色繼體納之無貳情  
百姓信之無異辭君臣之際良可詠矣

堂堂孔明基宇宏邈噐同生民獨稟先覺標勝  
風流遠明管樂初九龍盤雅志彌確百六道喪  
干戈迭用苟非命世孰掃雰雰宗子思寧薄言



解控釋褐中林鬱為時棟

宗子思寧萬言

志節節百六章安

志節節百六章安

志節節百六章安

志節節百六章安

志節節百六章安

志節節百六章安

志節節百六章安

樂葛優劣論

晉張輔

樂毅諸葛孔明之優劣夫以毅相弱燕合五國

之兵以破強齊雪君王之耻圍城而不急攻將

令道窮而義服此則仁者之師莫不謂毅為優

余以五國之兵共伐一齊不足為強大戰濟西

伏尸流血不足為仁夫孔明包文武之德劉玄

德以知人之明屢造其廬咨以濟世奇策泉涌

智謀從橫遂東說孫權北抗大魏以乘勝之師

翼佐取蜀及玄德臨終禪其大位在擾攘之際



立童蒙之主設官分職班叙衆才文以寧內武以折衝然後布其恩澤於中國之民其行軍也路不拾遺毫毛無犯勲業垂濟而隕觀其遺文謀謨弘遠雅規恢廓已有功則讓於下下有闕則躬自咎見善則遷納諫則改故聲烈振於遐邇也孟子曰聞伯夷之風貪夫廉余以爲覩孔明之忠姦臣立節矣殆將與伊呂爭儔豈徒樂毅爲伍哉

武侯廟古栢

唐段文昌

是草木有異於草木則靈武侯祠前栢壽千齡盤根擁門勢如龍形含碧太空散霧虛庭合抱在於旁枝駢梢葉之青青百尋及於半身蓄風雷之冥冥攢柯垂陰分翠間明忽如虬螭向空爭行上承翔雲孤鸞時鳴下蔭芳苔凡草不生古色天風蒼蒼冷冷曾到靈山老栢縱橫亦有

大者莫之與京於惟武侯佐蜀有程神其不昏表此爲禛斯廟斯栢實播芳馨







諸葛武侯廟銘

明楊士奇

惟忠武侯丁漢之季愍漢之疆瓜分鼎峙奮起  
隆中扶日堂空志靖九圍俾之混同再表出師  
有虔秉鉞火德旣衰吹之弗燁師進于渭星隕  
于營混一之志潰于垂成卧龍之岡寔公舊廬  
昔有祠宇久爲榛蕪賢侯作守知政先務搆之  
塗之丹雘如故乃潔罇壘乃聲笙鏞乃饌乃饗  
乃享新宮惟祀之崇惟公之勸春蘭秋菊終古

盥薦

祭諸葛丞相文

晉李典

未典中鎮南將軍劉弘至隆中觀亮  
故宅立碣表問命太傅掾李典爲文

天子命我于沔之陽聽鼓鞀而未思庶先哲之  
遺光登隆山以遠望軼諸葛之故鄉蓋神物應  
機大噐無方通人靡滯大德不常故谷風發而  
騶虞嘯雲雷升而潛鱗驟摯解褐於三聘尼得  
招而褰裳管豹變於受命貢感激以回莊異徐  
生之得寶釋卧龍於深藏偉劉氏之傾蓋嘉吾  
子之周行夫有知已之主則有竭命之良固所



以三分我漢鼎跨帶我邊荒抗衡我北面馳騁  
我魏疆者也英哉吾子獨含天靈豈神之祇豈  
人之精何思之深何德之清異世通夢恨不同  
生推子八陣不在孫吳木牛之奇則亦般模神  
弩之功一何微妙千井齊甃又何秘要昔在顛  
天有名無迹孰若吾儕良籌妙畫臧文旣沒以  
言見稱又未若子言行並徵夷吾反坫樂毅不  
終奚比於爾明哲守冲臨終受寄讓過許由負  
展莅事民言不流刑中於鄭教美於魯蜀民知  
耻河渭安堵匪臯則伊寧彼管晏豈徒聖宣慷  
慨屢歎昔爾之隱卜惟此宅仁智所處能無規  
廓日居月諸時殞其夕誰能不歿貴有遺格惟  
子之勲移風來世詠歌餘典懦夫將厲遐哉邈  
矣厥規卓矣凡若吾子難可究已疇昔之垂萬  
里殊塗今我來思覲爾故墟漢高歸魂於豐沛  
太公五世而反周想魍魎以髣髴冀影響之有  
餘魂而有靈豈其識諸







謁武侯廟文

宋王十朋

丞相忠武蜀之伊呂高卧南陽悲吟梁甫草廬  
之中三顧先主將漢是興非劉曷與君臣魚水  
蛟龍雲雨才十曹丕志小寰宇假令無死師一  
再舉吳魏可吞禮樂可許寧使英雄墮淚今古  
將畧非長庸史之語某受命天子來帥茲土夙  
觀八陣果至夔府廟貌僅存風流可覩旁有關  
張一龍二虎安得斯人以消外侮

八陣圖

晉桓温

望古識其真臨源愛往跡恐君遺事節聊下南  
山石  
先主武侯廟  
唐岑參

古栢行

唐杜甫

孔明廟前有老栢柯如青銅根如石霜皮溜雨  
四十圍黛色參天二千尺君臣已與時際會樹



木猶爲人愛惜雲來氣接巫峽長月出寒通雪  
山白憶昨路繞錦亭東先主武侯同闕宮崔嵬  
枝榦郊原古窈窕丹青戶牖空落落盤踞雖得  
地冥冥孤高多烈風扶持自是神明力正直元  
因造化工大厦如傾要梁棟萬年回首丘山重  
不露文章世已驚未辭剪伐誰能送苦心豈免  
容螻蟻香葉終經宿鸞鳳志士幽人莫怨嗟古  
來材大難爲用

蜀相圖

唐杜甫

丞相祠堂何處尋錦官城外柏森森映堦碧草  
自春色隔葉黃鸝空好音三顧頻繁天下計兩  
朝開濟老臣心出師未捷身先死長使英雄淚

滿襟人朝圖

唐杜甫

諸葛大明垂宇宙宗臣遺像肅清高三分割據  
紆籌策萬古雲霄一羽毛伯仲之間見伊呂指  
揮若定失蕭曹運移漢祚終難復志決身殲軍  
務勞



諸葛廟

唐杜甫

久遊巴子國，屢入武侯祠。  
竹日斜虛寢，谿風滿薄帷。  
君臣當共濟，賢聖亦同時。  
翊戴歸先主，弁吞更出師。  
蟲蛇穿畫壁，巫覡醉蛛絲。  
歛憶吟梁甫，躬耕起未遲。

八陣圖

唐杜甫

功蓋三分國，名成八陣圖。  
江流石不轉，遺恨失吞吳。

吞吳

武侯廟

唐杜甫

遺廟丹青落，空山草木長。  
猶聞辭後主，不復卧南陽。

南陽

讀諸葛武侯傳

唐李白

漢道昔云季，群雄方戰爭。  
霸圖各未立，割據資豪英。  
赤伏起頽運，卧龍得孔明。  
當其南陽時，隴畝躬自耕。  
魚水三顧合，風雲四海生。  
武侯立岷蜀，壯志吞咸京。  
何人先見許，但有崔州平。

觀八陣圖

唐劉禹錫

軒皇傳上畧，蜀相運神機。  
水落龍蛇出，沙平鴛



鶴飛波濤無動勢。鱗甲避餘威。會有知兵者。臨  
流指是非。

題籌筆驛

拋擲南陽爲主憂。北征東討盡良籌。時來天地  
雖同力。運去英雄不自由。千里山河輕孺子。兩  
朝冠劍恨譙周。惟餘巖下多情水。猶解年年傍  
驛流。

籌筆驛

魚鳥猶疑畏簡書。風雲長爲護儲胥。徒令上將  
揮神筆。終見降王走傳車。管樂有才真不忝。關  
張無命欲何如。他年錦里經祠廟。梁父吟成恨  
有餘。

武侯廟古栢

蜀相階前栢。龍蛇捧闕宮。陰成外江畔。老向惠  
陵東。大樹思馮異。甘棠憶召公。葉凋湘鷺雨。枝  
拆海鵬風。玉壘經綸遠。金刀歷數終。誰將出師  
表。一爲問昭融。

孔明書臺

宋宋 祁



君不見孔明書臺遺廟旁古書不見臺荒涼卧  
龍未起蜀天遠茅廬日日空南陽赤符光寒白  
水涸秣陵王氣猶能作璋若嬰兒操虎狼脫去  
荊州殊不惡十倍奇才安用書此臺昔時知有  
無蜀人思君識故處未若江水存兵圖黃冠所  
居門第改祗有坊名今尚在安得臺邊見古人  
秋草重生類書帶

諸葛武侯

宋王安石

漢日落西南中原一星黃群盜伺昏黑聯翻各  
飛揚武侯當此時龍卧獨摧藏掉頭梁甫吟羞  
與衆爭光邂逅得所從幅巾起南陽崎嶇巴漢  
間屢以弱攻強暉暉若長庚孤出照一方勢欲  
起六龍東迴出扶桑惜哉淪中路怨者爲悲傷  
監子祖餘策猶能走強梁

諸葛武侯

宋王安石

慟哭何顯爲一言餘風今日更誰傳區區庸蜀  
支吳魏不是虛心豈得賢

八陣磧

宋蘇軾



平沙何茫茫。髣髴見石薮。縱橫滿江上。歲歲沙  
水齧。孔明死已久。誰復辨行列。神兵非學到。自  
古不留訣。至人已心悟。後世徒妄說。自從漢道  
衰。鋒起盡姦傑。英雄不相下。禍難久連結。驅民  
市無煙。戰野江流血。萬人賭一擲。殺盡如沃雪。  
不爲久遠計。草草常無法。孔明最後起。意欲掃  
群孽。崎嶇事節制。隱忍久不決。志大遂成迂。歲  
明去如瞥。六師紛未整。一旦英氣折。唯餘八陣  
圖。千古壯夔峽。

隆中

宋蘇軾

諸葛來西國。千年愛未衰。今朝遊故里。蜀客不  
勝悲。誰言襄陽野。生此萬乘師。山中有遺邈。矯  
矯龍之姿。龍蟠山水秀。龍去淵潭移。空餘蜿蜒  
跡。使我寒涕垂。

灘石八陣圖行

宋王剛中

我先孔明後相望。九百載我想孔明賢。巍然伊  
呂配奇謀。勇畧號雄師。大節英風蓋當代。木牛  
流馬何足言。八陣遺蹤千古在。我行已度瞿唐



門長灘石壘參差分。洪纖高下尺寸等。猶有當年節制存。四頭八尾觸處首。敵衝中央兩皆救。握奇如樞運無窮。七縱七擒仍敢攻。規模黃帝已垂文。後來得者惟將軍。唐宗李靖拾遺意。樂舞旛表徒繽紛。長江之上石蟠結。江波洶湧石不滅。使君何事遽剗除。一夜風雷吼天闕。明朝依舊石縱橫。神物護持人始驚。向來守蜀用此法。誰知石壘真金城。嗟乎孔明遇不遇。遇則劉公恢大度。國險地狹民力微。法出萬全勢未具。嗟乎孔明以此用於吳。長江內固魏可圖。嗟乎孔明以此用於魏。掃平三分歸一筭。祇應所遇勢不同。勢既不同功亦異。嗟乎孔明之心如石堅。欲扶漢室還中原。事之不就則天耳安肯俯首。從曹袁。嗟乎孔明如生石不老。後世用兵無草草。忽然變作六花看。便失本原難按考。請觀壘石韜機籌。江流東去自悠悠。英豪得此石外指。長與君王靖邊壘。

武侯祠

宋張震



勲業場中託汗青。詩書壇上復誰登。顧廬可是  
依玄德。持釣何妨屈子陵。力挽狂瀾。休轉石功  
虧累土不成層。它年一笑三生夢。應愧多情碧  
眼僧。  
武侯新祠用韵 宋王十朋  
山藏古寺栢青青。地重偏因蜀相登。沙上不聞  
江轉石。人間幾見谷爲陵。龍蛇樹影搖千尺。玉  
雪花枝吐萬層。堪歎草廬誰復顧。凄然香火却  
依僧。

登八陣臺觀忠武侯遺像作長句

宋張 縝

白帝城西魚復浦。十月江平見津滸。當年累石  
紛成行。此地卧龍經講武。轅門外建嚴中權列  
陣。相承存後伍。何人蛇勢識常山。未數魚麗矜  
鄭拒。懸知精神貫金石。尚想號令嚴鉦鼓。老兵  
料敵應疑生。川后澄波其敢侮。向令赤伏有餘  
符。下睨皇州直指取。云何遺跡司神明。獨斬豐  
功被寰宇。高城置酒共臨眺。往事興懷增歎撫。



魏然王佐三代前信矣名言照千古

齊王魏皇則直謂相公同意相公亦即相公

相公亦即相公亦即相公亦即相公亦即相公

相公亦即相公亦即相公亦即相公亦即相公

相公亦即相公亦即相公亦即相公亦即相公

相公亦即相公亦即相公亦即相公亦即相公

相公亦即相公亦即相公亦即相公亦即相公

相公亦即相公亦即相公亦即相公亦即相公

遺事

遺事

丞相亮時有言公惜赦者亮答曰治世以大德

不以小惠故匡衡吳漢不願為赦先帝亦言吾

周旋陳元方鄭康成間每見啟告治亂之道悉

矣曾不語赦也若劉景升季玉父子歲歲赦宥

何益於治

華陽國志

諸葛瑾弟亮及從弟誕並有盛名各在一國於

時以為蜀得其龍吳得其虎魏得其狗

孔明云我心如秤不能為人作低昂



亮聞張溫敗未知其故思之數日曰吾已得之

矣其人清濁太明善惡太分會稽典錄

亮出駐漢中張裔領留府長史常稱曰公賞不

遺遠罰不阿近爵不可以無功取刑不可以貴

勢免此賢愚所以僉忘其身者也蜀志

諸葛亮殺王雙還定軍山作一冢埋於漢川其

文曰定軍冢又作八陣冢沉永安水中又玄武

郡金山作二冢一大一小時亮行軍見此山勢

似有王氣故鎮之冢錄

劉備章武元年採金牛山鉄鑄八劍各長三尺

六寸一自佩一與太子一與梁王理一與魯王

未一與諸葛亮二與張飛關羽一與趙雲並是

亮書作風角處所刀劍錄

諸葛亮相蜀警石架宮為飛梁閣道即古劍閣

道也華陽國志

魏延與楊儀不和亮特延勇猛又惜儀籌畫不

能偏有所廢為作甘戚論華陽國志

南中俗徵巫鬼好詛盟投石結草官常以盟詛



要之諸葛亮乃為夷作圖譜先畫天地日月君  
 長城府次畫神龍龍生夷及牛馬羊後畫部主  
 吏乘馬幡蓋巡行安卹又畫牽牛負酒齋金寶  
 詣之之象以賜夷夷甚重之許致生口直又與  
 瑞錦鐵券今皆存每刺史校尉至齋以呈詣華陽

國志

張華問李密孔明言教何碎密曰昔舜禹臯陶  
 相與語故得簡大雅誥與凡人言宜碎孔明與  
 言者無已敵言教是以碎耳晉書

諸葛亮造八陣圖於魚復平沙之上壘石為八  
 行相去二丈桓溫征譙縱見之曰此常山蛇勢  
 也文武皆莫識吾嘗過之自山上俯視百餘丈  
 凡八行為六十四絕絕上圖不見凸凹處如日  
 中蓋影耳就視皆卵石漫漫不可辨蘇長公集  
 魚復陣積江流莫移夔人歲以人日傾城徙市  
 縱遊八陣之間謂之踏磧

孔明祠古栢喬柯鉅圍蟠固凌拔有足異者唐  
 季凋瘁後漸蠹槁宋乾德間枯柯復生日益敷



茂自三分至是八百餘齡矣

田况古栢記

南陽城西七里岡阜窈然隱起曰卧龍岡有井

淵然渟深曰諸葛井相傳為忠武侯故居居民歲

祠之

元程鉅夫書院記

常南康始生有胡僧往視之謂曰别久無恙乎

韋氏問故答曰武侯後身也吾往與之友故不

遠而來因字之武侯

宣室志

諸葛亮相蜀築臺以集諸儒待四方賢士號讀

書臺

寰宇記

諸葛亮夢見周公因立文憲王廟號其地為周

公山

名勝志

陸法和軍次白帝曰諸葛武侯可謂名將此城

旁有埋箭鏃一斛許因插表掘之如其言

周孔之教盡在中矣

由師一表與伊訓說命相表裏



成自三分至是八百餘齡矣

田况古

南陽城西七里岡阜豁然隱起曰卧龍岡有井

淵然渟深曰諸葛井相傳為忠武侯故居民歲

祠之晉院記

等本里論難一稱指因辭表辭之收其言故不

劉去味軍矣白帝曰諸葛亮死河斷各辭出此

公山志

公山志

諸葛亮與吳周公因立文憲王禪讓其此為周

### 集評

諸葛亮之表劉主可謂德音

李充翰  
林論

孔明之辭後主志盡文暢

文心  
雕龍

孔明之詳約理得而辭中辭之善也

文心  
雕龍

李玄盛寫諸葛亮訓戒以勗諸子曰尋其終始

周孔之教盡在中矣

晉書

出師二表與伊訓說命相表裏

蘇子瞻



出而二表與中則謂命休未嘗不

似其之幾蓋亦中矣

今之益其謂萬民歸之則謂其口實其終故

亦謂之籍錄聖賢而謂之聖賢之善也

亦謂之籍錄聖賢而謂之聖賢之善也

亦謂之籍錄聖賢而謂之聖賢之善也

集解

說苑



卷之四